

禮教志

卷之四

禮教志

朝賀起  
至宣講

止

計一百二十五

頁





仁壽縣志卷四

禮教志

朝賀

迎春

祀典

宣講

申明亭

朝賀

皇上萬壽聖節縣正印官率僚屬朝服於

龍亭前排列

儀仗龍亭一龍幄一龍扇一椅一香亭一龍傘一梧杖

一盆一立瓜一臥瓜二骨朶二金鉞二至日五更金邑

中文武各官衣朝衣齊肅立丹墀下文東武西禮生四

名稟三鼓行禮引至各拜位通贊序班行三跪九叩頭

禮禮畢各退前後坐班日期如新頒例前三日後三日

仁壽縣志

卷四

禮教志

俱蟒衣坐班

皇太后萬壽皇后千秋節元日長至節儀注同惟不坐班



禮教志

迎春

每歲有司預期塑造春牛並芒神立春前一日縣中文武各官吉服迎於東郊祭勾芒神至本日衣朝衣祭勾芒神訖各執綵仗遂擊鼓三正官環鞭土牛者三農夫繼鞭出土牛

明邱文莊云宋景祐頒土牛經以歲之干色為首支色為身納音色為腹立春日干色為角耳尾支色為頸膝納音色為蹄至元頒經式止以立春日為法日

仁壽縣志

卷四

禮教志

二

干為頭角耳色支為身色納音為蹄尾肚色明初襲用元制正統中始用宋法今仍之







速降真三等分析之寘鑪左上香司香者進蕪之血豆  
宰牲取其血及其領上毛少許同寘于豆陳於登劍之  
下邊豆間贊瘞毛血司毛者徹豆先寘于坎禮畢同牲  
饌黍稷稻粱皆用熟壇廟祭日執事胥役及宰夫庖  
人俱擇嫻謹者充其有灸艾體氣殘疾瘡傷俱勿用一  
應陳設滌濯之有事者令衣潔淨衣盥手將事有不率  
者監視官察出究治凡齋主祭官先期一日牌示爲某  
祭祀致齋幾日諭令一體遵照至期沐浴易新潔衣設  
齋戒木牌於署門正中佩齋戒木牌於衣前領下不辦  
仁壽縣志

卷四

禮教志

四

事不理刑名不晏會不聽音樂不入內寢不問疾不弔  
喪不飲酒不食葱韭蒜薤不爲私事祈禱不報祭不墓  
掃除別室書則居之夕則宿之執事生各致齋於本家  
輟講習待事凡齋郡邑長戒其屬教職官戒其徒以各  
敬其事有不恭者則糾舉罰治之

社稷壇

雍正十年奉

旨頒行南壇祀典築城南郊座向北方地廣袤一畝有奇  
壇制東西二丈五尺南北二丈五尺高三尺一成四出



陞各三級繚以周垣四門朱色自北門入壇南正中立石主一去壇二尺五寸露圓頂餘埋土中壇西北隅設瘞坎一成甃砌東向寬四尺深三尺西面作踏道上下神牌高二尺四寸寬六寸座高五寸寬九寸五分朱漆青字書縣社縣稷之神臨祭設於壇上

社稷壇在治南門一里

祭典歲以春秋仲月上戊日致祭陳設祝版一血豆一

社神位前帛一

黑色長一丈八尺

爵三 鉶一 簋二 盥二 籩四

形

藁魚 豆四

韭菹醢醢 菁菹鹿醢醢

俎二

羊

鐙二 鑪一 尊一

有勺疏

稷

仁壽縣志

卷四

禮教志

五

神位前同設拜位於門內面壇左上為主祭官位次陪祭官位位以官序又為陪祭武官位位以官序設尊坫於壇北陞之東一尊同坫加勺罍設盥洗位於尊之前盥匱架加巾帨

儀注祭日五鼓主祭官陪祭官各朝服詣壇北門外升

次序坐茶二巡畢陰陽吏聲鼓

唱

鼓初嚴

鼓初徐後疾以百桴為節

在次胥役俱赴巡警牌外司巡人 鼓再嚴

主祭官陪祭官俱起立整

冠帶斂容出幄次通贊禮生入就 鼓三嚴

位各執事生以次俱入 少選唱

引贊生引主

貫入就拜位旁立文在牌位 執事者各執其事

左武在牌位右

通贊生唱

就尊者

就尊者



立助獻生分東西陞升各就所派之神位前左右列唱主祭官就位俟立定陪祭

官各就位定俟各立唱班齊唱瘞毛血助獻生徹毛血盤置於坎祭畢同饌瘞

唱迎神跪主祭官以下三跪九叩首贊興唱行初獻禮

引贊生前皆跪詣盥洗所濯水進巾詣醴尊所司尊者舉翬

酌醴執帛者捧帛執爵者捧爵引主祭官自詣社神位

前跪左右助獻帛在右助獻舉帛篚授主祭官主獻爵

如獻帛儀叩首興贊詣稷神位前禮如前儀贊詣讀祝位唱

跪引主祭官詣祝案前跪讀陪祭官皆跪贊讀祝文讀

仍安原贊叩首贊興復位引主祭官自行亞獻禮引贊

仁壽縣志 卷四 禮教志 六

儀亞獻禮畢贊復位唱行終獻禮引贊如終獻禮畢贊

復位唱飲福受胙引主祭官自詣飲福位贊跪助獻二

胙立於右又二贊飲福醴主祭官受酒啐授受福胙受胙

各跪於左贊授左跪贊叩首興復位唱謝胙跪主祭官以下一跪三叩

首興唱徹饌送神跪贊三跪九叩首興唱讀祝者捧祝

獻帛者捧帛司饌者舉饌詣瘞所唱望瘞主祭官率陪祭

焚祝帛瘞饌唱復位唱禮畢

祝文頌部維年月日具官某謹以牲帛醴齊粢盛庶品之

儀致祭於社稷之神惟神奠安九土粒食萬方分五色



以表封圻育三農而蕃稼穡恭膺守土肅展明禋茲當  
仲春秋敬修祀事庶九九松柏鞏磐石於無彊翼翼黍苗  
佐神倉於不匱尙饗

風雲雷雨  
山川壇

雍正十一年奉

三

旨頒行北壇祀典築城北郊座向南方壇制東西二丈五  
尺南北二丈五尺一成四出陛各三級繚以周垣四門  
朱色自南門入壇立石主與社稷壇同壇東南隅設燎  
爐一座墜砌西向神牌高寬尺寸及漆字與社稷牌同  
仁壽縣志

卷四

禮教志

七

書風雲雷雨之神居中境內山川之神居左縣城隍之  
神居右祭設於壇上祭畢藏於城隍之廟  
風雲雷雨山川壇在治北門一里

祭典歲以春秋仲月諏日致祭陳設祝版一香槃一風

雲雷雨神位前帛四

白色同篚

爵十二餘器數羊豕同社稷

壇山川神位前帛二

白色同篚

爵六餘器數羊豕亦同城隍

神位前帛一

白色

爵三餘器數羊豕亦同設拜位於門內

設尊坫於壇南陛之東三尊同坫加勺鬯設盥洗位於  
尊之前盥匱架加巾悅風雲雷雨神位居壇中山川神



位居左城隍神位居右各一筵

儀注同社稷壇惟唱班齊以後唱上香引贊生前詣盥

洗所濯水進巾引主祭官自東陞升復位行三跪九叩

首訖唱行初獻禮贊詣風雲雷雨神位前跪左右助獻

帛授篚奠篚獻爵爵四舉叩首贊興贊詣山川神位前

禮如前儀爵二詣城隍神位前禮如前儀爵一送神三

跪九叩首訖唱讀祝者捧祝獻帛者捧帛司饌者舉饌

各詣燎所東西列炬各一人舉祝望燎主祭官率陪祭

祝文部惟年月日具官某謹以牲帛醴齊粢盛庶品之

仁壽縣志 卷四 禮教志 八

儀致祭於風雲雷雨山川城隍之神惟神贊襄天澤福

佑蒼黎佐靈化以流行生成永賴乘氣機而鼓盪溫肅

攸宜磅礴高深長保安貞之吉憑依鞏固實資捍禦之

功幸民俗之殷盈仰神明之庇護恭修歲祀正值良辰

敬潔豆籩祇陳牲幣尚饗

先農壇

雍正四年奉

旨頒行先農壇祀典藉田四畝九分距壇南二十步夾神路東西壇制東西二丈一尺南北二丈一尺高二尺一



寸一成四出陞各三級繚以周垣四門朱色自南門入  
壇北建正房二間東西配房各一間壇東南隅設瘞坎  
一成西向寬四尺深三尺東面作踏道上下神牌尺寸  
與社稷壇同朱漆金字書先農之神祭畢供設於正房  
之中東間存貯祭器農具西間收貯藉田米穀配房東  
間置辦祭品西間令看守農民居住壇廟藉田之外周  
圍築土爲牆開門南向農具赤色牛黑色耕種箱青色  
所用耕種悉照各處土宜

先農壇在治東門一里

仁壽縣志

卷四

禮教志

九

祭典歲以仲春吉亥致祭陳設祝版一血豆一先農神  
位前帛一青爵三餘器羊豕同社稷壇設拜位於門內  
壇左右設次更衣

儀注同社稷壇惟禮畢主祭官以下皆退各就次易蟒

補服

通贊

唱行耕藉禮主祭官就耕所陪祭官執事生牧

夫耆農人等序立神路東西兩旁面皆南向

唱

行九推

禮

唱

進犁執事生以犁進

唱

進鞭執事生以鞭進

唱

秉

耒主祭官秉耒

唱

初推司鉦者鳴鉦一聲司鼓者疊鼓

農官牧夫引牛陪祭官執青箱隨後播種一進一反爲



一推司鉦者鳴鉦一聲唱初推竟二推三推至九推皆如之唱九推

禮畢唱停犁執事生承犁釋鞭執事生承鞭主祭官率

陪祭官等序立神路東旁南向庶人終畝畢報事吏請

行賞設賞案頒牧夫及耆民等賞有差唱謝

恩引贊生引望各官就位

闕序立贊三跪九叩首贊興禮畢主祭官率陪祭官各

官由壇東門出諸執役西門出

祝文部維年月日具官某謹以牲帛醴齊粢盛庶品之

儀致祭於先農之神惟神肇興稼穡粒我蒸民頌思文

仁壽縣志禮教志卷四

之德克配彼天念率育之功陳常時夏茲當東作咸服

先疇洪惟九五之尊歲舉三推之典恭膺守土敢忘勤

勞謹奉彝章聿修祀事惟願五風十雨嘉祥恆沐於神

庥庶幾九穗雙歧上瑞頻書於大有尙饗

樂章

迎神樂奏永豐之章勾芒秉耒土牛是驅惟神歆止蒼

龍駕車念彼田疇民命所需生成有德尙式臨諸

奠帛初獻樂奏時豐之章先農神哉耒耜教民田祖靈

哉稼穡是親功德深厚天地同仁肅將幣帛肇舉明禋



厥初生民萬彙莫辨神錫之庥嘉穀乃誕執茲醴齊豐  
功益見玉瓚椒醕肅雍舉奠

亞獻樂奏咸豐之章上原下隰百穀盈止粒我蒸民秀  
良興起樂舞具備吹豳稱兕再躋以獻肴馨酒旨

終獻樂奏大豐之章糜芑秬秠惟神所貽以神饗神曰  
予將之秉耒三推東作允宜五風十雨率土何私

徹饌樂奏屢豐之章於皇農事自古為烈莫敢不承今  
茲忻悅邊豆既豐簠簋云潔神視并疆執事告徹

送神樂奏報豐之章麻麥芄芃秠稻連阡縱橫萬里皆  
仁壽縣志 卷四 禮教志 十一

神所瞻人歌鼓腹史載有年歲有常典第祿綿延  
望痊樂奏慶豐之章玉版蒼幣來監來歆敬之重之藏

於厚深典禮由古予行自今樂樂利利國以永甯  
聖廟 崇聖祠附 四配十二哲兩廡先賢  
先儒附 名宦鄉賢忠孝昭忠節孝祠附

本朝崇德元年遣官致祭  
孔子廟以 顏子 曾子 子思子 孟子配五年定

議每年二月八月上丁日行釋奠禮順治二年定號稱  
大成至聖文宣先師孔子定文廟為中祀致齊二日祭

啟聖公於後殿以先賢祀東西配以先儒從祀兩廡通



行各府州縣衛各學一體遵行十四年改謚號爲

至聖先師孔子康熙二十二年

御書萬世師表匾額頒懸天下學宮二十五年

御製至聖先師孔子贊蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明而人心所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳於一朝明道者

仁壽縣志

卷四

禮教志

三

教思周於百世堯舜文武之後不有孔子則學術終淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道不終昧秩然



大經百家紛紜殊途異趣日月無踰羹牆可悟孔子之道惟中與庸此心此理千聖所同孔子之德仁義中正秉彛之好根本天性庶幾夙夜勛哉令圖遡源洙泗景躅唐虞載歷廷除視觀禮器摛毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱高萬仞夫子之堂孰窺其藩孰窺其徑道不遠人克念作聖二十六年修飭禮制樂器令天下學官擇鄉俊秀習佾舞二十八年

仁壽縣志

卷四

禮教志

三

御製顏子贊聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用行舍藏王佐之器

御製曾子贊洙泗之傳魯以得之一貫曰唯聖學在茲明德新民止善爲期格至誠正均平以推至德要道百行所基纂承統緒修明訓辭

御製子思子贊於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠



御製孟子贊哲人既萎楊墨昌熾子輿闢之曰仁曰義性善獨聞知言養氣道稱堯舜學屏功利煌煌七篇竝垂六藝孔學攸傳禹功作配

二十九年議准凡官民人經過下馬金禁在學宮內放馬畜作踐四十九年定二丁致祭同城武官一體行禮五十一年升祔先賢朱子於大成殿十哲之次五十四年以宋名臣范仲淹從祀西廡雍正元年追封

孔子五代王爵

五世祖木金公爲肇聖王

仁壽縣志

卷四

禮教志

古

高祖祈父公爲裕聖王

曾祖防叔公爲詒聖王

祖伯夏公爲昌聖王

父叔梁公爲啟聖王改啟聖祠曰崇聖祠是年

御書生民未有匾額頒懸天下學宮二年會議酌定附享賢儒之宜增宜升其後嗣當增置博士者復從祀林放蘧瑗秦冉顏何四人爲先賢鄭康成范甯二人爲先儒新增從祀縣廩牧皮樂正子公都子萬章公孫丑六人爲先賢又增從祀先儒三國一人諸葛亮宋七人尹焞



魏了翁黃幹陳淳何基王柏趙復元三人金履祥許謙  
陳澔明二人羅欽順蔡清

國朝一人陸隴其又增先儒張橫渠之父張迪配享  
崇聖祠二年奉

上諭聖諱理應迴避毛詩及古文此字讀作期音者甚多  
嗣後除四書五經外凡遇此字並加卩爲邛地名並加  
卩旁爲邛讀作期音五年奉

上諭八月二十七日

至聖先師誕辰各官致齊不理刑名禁止屠宰永著爲

仁壽縣志

卷四

禮教志

五

令八年定天下府州縣衛學每歲春秋丁祭祀孔子以  
太牢又定府州縣承祭官因公出境委佐貳代行又定  
省郡州縣皆以文官尊者主祭餘分獻有差乾隆元年  
御書與天地參匾額頒懸天下學宮三年陞有子從祀東  
哲卜子下六年定先賢先儒從祀位次十三年增定十  
二哲東西各少牢一案每位一帛

崇聖祠四配東西各少牢一案每位一帛兩廡各少牢  
三案又乾隆五年定樂舞用六佾額設樂舞生四十名  
學臣按臨免其府縣試八年定樂舞生丁祭准用藍衫



雀頂平時用起花銀頂九年頒行祭祀樂章嘉慶六年御書聖集大成匾額頒懸天下學宮舊稱文廟特旨崇爲

聖廟道光□年

御書聖協時中匾額頒懸天下學宮咸豐□年

御書德齊疇載匾額頒懸天下學宮同治三年

御書聖神天縱匾額頒懸天下學宮

學宮在治東南隅翳嘶山頂宋乾德初建一云涪化二年明洪武正統間相繼增修嗣經兵燹至天啟二年邑

仁壽縣志

卷四

禮教志

六

令翟文簡復修我

朝康熙三年邑令王配京復修六年邑令唐纘辛復修乾隆十七年教諭湯輝道復修嘉慶六年邑令李勛復修十五年訓導劉維旒復修咸豐四年邑令恆泰復修十年李逆竄縣宮牆一切稍毀同治三年邑令羅廷權復修

大成殿三間東西廡各五間戟門櫺星門各三間泮池一東西坊各一紅牆

先師主明嘉靖九年定制高二尺三寸七分濶四寸厚



七分座高四尺長七寸厚三寸四分朱地金書

四配主高一尺五寸濶三寸二分赤地黑書

十二哲兩廡主俱高一尺四寸濶二寸六分厚五分座

高二寸六分長四寸厚二寸俱赤地黑書

先師孔子位正中南向

孔子南面始於唐開元二十八年

東配

復聖顏子

名回字子淵魯人邾國後

述聖子思

名伋字子思

仁壽縣志

卷四

禮教志

七

西配

宗聖曾子

名參字子輿魯武城人鄆國後

亞聖孟子

名軻字子輿鄒人魯公族孟孫氏後

四子俱配始宋元豐咸淳坐廟堂兩楹間

東哲

先賢閔子

名損字子騫魯人

先賢冉子

名雍字仲弓魯人伯牛之族

先賢端木子

名賜字子貢衛人初為信陽宰後嘗相魯衛

先賢仲子

名由字子路魯之卞人嘗仕魯為蒲邑大夫



先賢卜子 名商字子夏衛人仕魯為莒父宰

先賢有子 史記字子若家語字子有魯人

有子舊在東廡七位乾隆三年升殿內東旁卜子下移朱子熹於西旁顓孫子下

西哲

先賢冉子 名耕字伯牛魯人為中都宰

先賢宰子 名予字子我魯人仕齊為臨淄大夫

先賢冉子 名求字子有仲弓之族為季氏宰

先賢言子 名偃字子游吳人仕魯為武城宰

仁壽縣志 卷四 禮教志

先賢顓孫子 名師字子張

先賢朱子 名熹字元晦號晦菴婺源人諡文口

十哲升配始唐開元坐廟堂兩壁間朱子康熙五十年升向列東哲移列西哲第六位東向

東廡 先賢先儒俱照時代位次

先賢公孫僑 字子產一曰子美鄭穆公之孫子國之子孔子稱之曰惠人又曰有君子之道四焉

先賢林放 魯人明以家語不在弟子列改祀今以問禮之本親炙聖人休光即非弟子亦理所安

明改祀今復祀

先賢原憲 字子思魯人檀弓作仲為夫子宰



先賢南宮适

史記作括字子容一作緡魯孟懿子之兄居南宮因姓諡敬叔

先賢商瞿

字子木魯人

先賢漆雕開

字子開鄭元曰魯人若一作憑字

先賢司馬耕

字伯牛宋人家語作司馬黎耕與史記俱字子牛

先賢梁鱣

字子魚史記注作鱣字叔魚齊人

先賢冉孺

字子魯一作魯家語作冉孺字子魚魯人

先賢伯虔

家語作處子楷一作子析弟子解作子楷史記作子析魯人

先賢冉季

字子產魯人

先賢漆雕徒父

字子文一作子期魯人字子有家語作漆雕從

仁壽縣志

卷四

禮教志

九

先賢漆雕哆

字子斂家語作漆雕侈魯人

先賢公西赤

字子華魯人

先賢任不齊

字子選楚人

先賢公良孺

家語名孺史記名孺字正一作子幼陳人

先賢公肩定

家語字子仲史記作公堅定字子中魯人或曰晉人

先賢鄒單

史記有鄒單字子家無縣直家語有縣直字子象無鄒單疑作一人徐廣作鄒善

先賢宰父黑

史記字子索家語作宰父黑字索一字子黑魯人氏族畧亦止有宰父黑

先賢榮旂

史記字子旂家語作榮旂魯人

先賢左人郢

史記字子行家語作左郢字子行魯人



先賢鄭國家語作薛邦字徒魯人史記避漢高祖諱以邦為國鄭字疑薛字之誤

先賢原亢字子亢家語作元亢字子藉史記作原亢字籍正義亢作冗魯人

先賢廉潔史記字庸家語字子庸一作子曹衛人古史作齊人

先賢叔仲會字子期文翁圖作噲家語魯人鄭元云晉人

先賢公西輿如字子西輿人史記作公西輿

先賢邾巽家語作邾選字子飲史記訛邾為邾字子飲文翁圖避諱以邾為國作國選魯人

先賢陳亢說文作伉字子亢一字子禽陳人

先賢琴張一名牢家語字子開文翁圖字子張衛人

先賢步叔乘廣少韻作叔字子車齊人

仁壽縣志 卷四 禮教志

先賢秦非字子之魯人

先賢顏噲字子聲魯人

先賢顏何字冉魯人明以家語不載罷祀今以家訓及顏高贊俱稱顏氏八賢去何止七人矣

先賢縣亶明以史記不載又疑與鄒亶是一人罷祀今以當時原無確據仍為二人

顏何縣亶明罷祀今復祀

先賢牧皮孟子趙岐注牧皮為聖門高弟無疑事孔子牧皮為聖門高弟無疑

先賢樂正克孟子曰其為人也好善當在弟子之列

先賢萬章孟子弟子史記稱孟子所如不合退與萬章之徒序詩書述仲尼之意

牧皮樂正克萬章增祀



先賢周敦頤字茂叔世居道州營道縣濂溪學者稱濂溪先生諡元

先賢程顥字伯淳宋河南洛陽人文彥博題其墓曰明道先生諡純

先賢邵雍字堯夫宋范陽人諡康節

先儒公羊高齊人周未

先儒伏勝字子賤鄒平人生秦漢間習書秦焚書時獨壁間藏之

先儒毛亨漢人善說詩世謂大毛公

毛亨增祀

先儒孔安國字子國孔子十一世孫生漢武帝時

先儒后蒼字近君宋東海剡人修明禮經嘉靖時考求古禮以為定禮之宗

仁壽縣志 卷四 禮教志

三

先儒鄭元字康成東漢高密人註經論禮百餘萬言括囊大典網羅百家出處進退衷於道

先儒范甯字武子晉鄆陵人南昌太守興學造士著春秋穀梁集解詞意精詳有功聖道

鄭元范甯復祀

先儒陸贄字敬輿唐嘉興人德宗朝官至同平章事貶忠州別駕章疏賈生劉向後一人諡宣

陸贄增祀

先儒范仲淹字希文宋吳縣人封汝南公諡文正

先儒歐陽修字永叔宋廬陵人諡文忠

先儒司馬光字君實宋夏縣人封溫國公諡文正

先儒謝良佐號上蔡宋人學先立志為根本論敬是常惺惺法不如就事上求儼若思時可見



謝良佐增祀

先儒羅從彥

字仲素宋南劍州人學者稱豫章先生諡文質

先儒李綱

宋高宗召為尚書右僕射朝綱兵防振整方七十餘日盡事君之道全進退之節

李綱增祀

先儒張栻

字敬夫宋綿竹人忠獻公浚之子號南軒先生諡宣

先儒陸九淵

字子靜宋金谿人學者稱象山先生諡文忠

先儒陳淳

字安卿號北溪宋龍溪人朱子嘗云吾道喜得陳淳

陳淳增祀

先儒真德秀

字景元一字希元宋蒲城人實元進士累官戶部尚書參知政事稱西山先生諡文

仁壽縣志

卷四

禮教志

三

忠

先儒何基

宋金華人黃幹弟子得淵源學本真實著學庸解釋書大傳易啟蒙皆以發揮為主

先儒文天祥

號文山宋末少保信國公起兵勤王被執至燕不屈正氣一歌凜凜成仁取義

先儒趙復

元初名儒德安人著傳道圖伊洛圖希賢錄北方知有程朱學實自復始

先儒金履祥

字吉夫號仁山元蘭溪人何基弟子著大學章句疏義論孟集註多所發明

先儒陳澔

字可大元南康人博學好古著禮記集註明列其書於學宮稱雲柱先生

先儒方孝孺

號正學明成祖召草詔不從哭且罵視刀鋸鼎鑊甘之如飴百世猶生氣

何基文天祥趙復金履祥陳澔方孝孺俱增祀

先儒薛瑄

字德温明河津人學者稱敬軒先生諡文清



先儒胡居仁

字淑心明餘干人稱敬齋先生

先儒羅欽順

字允昇明太和人以實行教士著困知記周程緒言至今不墜皆其力也

先儒呂柟

明人明史列儒林

羅欽順呂柟增祀

先儒劉宗周

明人殺身成仁不違其素明史稱之

先儒孫奇逢

號鍾元河南衛輝人教授蘇門前朝逮國朝十七徵不起一代元勳多出其門湯

文正其一也

先儒陸隴其

字稼書本朝平湖人力任斯道精研程朱之學端方孝友以德化民

陸隴其增祀

仁壽縣志

卷四

禮教志

三

西廡

先賢蘧瑗

字伯玉明以孔子嚴敬改祀今以大聖食於堂上瑗大賢坐兩廡亦理之所安

明改祀今復祀

先賢澹臺滅明

字子羽魯人武城人

先賢宓不齊

字子賤魯人為單父宰

先賢公冶長

字子長家語作萇魯人史記齊人范甯云字子之

先賢公皙哀

字季沉齊人史記作公皙哀字季次索隱作公皙克

先賢高柴

字子羔家語齊人史記衛人仕衛為士師

先賢樊須

字子遲仕於季氏家語魯人鄭元云齊人



先賢商澤

家語字子季魯人

先賢巫馬施

字子期陳人史記  
字子旗為單父宰

先賢顏辛

字子柳魯人史記  
作顏辛通典作柳

先賢曹卹

字子循  
蔡人

先賢公孫龍

家語作公孫寵衛人鄭元  
云楚人孟云趙人字子石

先賢秦商

字子丕家語字丕茲  
魯人鄭元云楚人

先賢顏高

字子驕家語  
作顏刻魯人

先賢穰駟赤

家語字子從秦人史  
記穰作壤字子從

先賢石作蜀

字子明家語作  
石子蜀秦人

仁壽縣志

卷四

禮教志

先賢公夏首

字子棗家語首  
作守字棗魯人

先賢后處

史記字子里家語作  
石處字堅之齊人

先賢奚容蒧

家語字子偕史記子哲文翁圖魯  
人正義衛人氏族大全奚仲之後

先賢顏祖

字襄家語名相又  
名祖字子襄魯人

先賢句井疆

字子疆史記作句井正義作句井衛  
人闕里志字子野山東志字子孟

先賢秦祖

字子南魯人  
鄭元云秦人

先賢縣成

字子祺家語  
字子橫魯人

先賢公祖句茲

家語作公祖茲  
字子之魯人

先賢燕級

字思家語名級字子  
思史記作伋秦人



先賢樂欬 史記字子聲家語名於秦人

先賢狄黑 家語字子皙之一作子皙史記子皙衛人

先賢孔忠 家語作孔子兄孟皮之子記作孔子

先賢公西蒧 字子尚史記作子尚魯人

先賢顏之僕 家語字子叔史記字叔魯人

先賢施之常 字子恆魯人

先賢申枏 家語申枏字子周史記作申黨字周文翁圖作堂後漢碑作棠鄭元云即申續續黨棠堂

人

先賢左邱明 中都人楚左史倚相之後

仁壽縣志 卷四 三

先賢秦冉 字開秦人明疑史記誤書罷祀今以史記列傳既著其姓復標其字必有其人

先賢公明儀 魯南武城人子張弟子張卒為曾子弟子卒業

先賢公都子 孟子弟子研性善之理陶義外之說

先賢公孫丑 孟子弟子趙岐注孟子既歿萬章公孫丑記其所言有功於孔孟之道

秦子明罷祀今復祀牧子公都子公孫子增祀

先賢張載 字子厚居郟縣之橫渠稱橫渠先生諡明

先賢程頤 字正叔稱伊川先生諡正

先儒穀梁赤 字子始魯人周未作倣顏師古作喜

先儒高堂生 字伯魯索隱字伯魯人生漢初



先儒董仲舒 廣川人武帝時以賢良對策

先儒毛萇 趙人善說詩世謂小毛公生漢武帝時

先儒杜子春 河南緱氏人

先儒諸葛亮 蜀漢瑯琊人居心仁恕開誠布公知出處大節君臣大義純乎天理合乎聖道

諸葛亮增祀

先儒王通 字仲淹隋龍門人諡曰文中子

先儒韓愈 字退之唐修武人封昌黎伯諡文

先儒胡瑗 字翼之宋海陵人為湖州教授又召為國學直講學者稱安定先生諡文昭

先儒韓琦 官至尚書右僕射相三朝立二帝歐陽修稱不動聲色社稷之臣諡忠獻後追封魏王

仁壽縣志

卷四

禮教志

三

韓琦增祀

先儒楊時 字中立宋將樂人學者稱龜山先生

先儒尹焞 字彥明宋涪陽人伊川弟子學窮根本德備中和質直宏毅著論語解賜和靖處士

尹焞增祀

先儒胡安國 字康侯宋崇安人諡文定

先儒李侗 字原中宋延平人朱子受其河洛之業為述延平問答稱延平先生諡文靖

先儒呂祖謙 字伯恭其先萊人遷婺州諡成改忠亮墓題東萊先生

先儒黃幹 字真卿號勉齋宋閩人朱子壻授以所著書曰吾道託在此金華四子遞衍其傳

黃幹增祀



先儒蔡沉 字仲默 宋建陽人 隱居九峯 山世號九峯先生 諡文正

先儒魏了翁 字華甫 宋邛州人 南宋邪說簧鼓能維 持正學著九經等書於聖道大有發明

先儒王柏 號魯齋 宋金華人 何基弟子 點校四書經史 推明河洛九疇著經書衍義 闡發濂洛淵源

先儒陸秀夫 宋端宗時同簽書樞密院事 獨正笏立 如治朝 淚濕朝衣 卒負帝昺赴海死之

魏了翁王柏陸秀夫俱增祀

先儒許衡 字仲平 元河內人 學者 稱魯齋先生 諡文正

先儒吳澄 字幼清 崇仁人 明以忘宋事 元黜考證 註 五經四子學經學統矯輕傲情等篇多發明

紫陽書

先儒許謙 號白雲先生 金履祥弟子 讀書窮探 深微詩 文扶翼經義 綱維世教 著四書叢說等書

仁壽縣志 卷四 禮教志

三

先儒曹端 明人 篤踐履 謹繩墨 守儒 學正傳 明史列儒林傳

吳澄復祀許謙曹端增祀

先儒陳獻章 字公甫 明新會人 隱白 沙學者 稱為白沙先生

先儒蔡清 字介甫 號虛齋 明晉江人 學以靜虛為主 躬砥行 不愧衾影 著易理解四書蒙引 行世

蔡清增祀

先儒王守仁 字伯安 明餘姚人 讀書陽明洞 封 新建伯 諡文成 世稱陽明先生

先儒呂坤 字叔簡 號新吾 明甯陵人 為司寇 開府三 十年所志 呻吟語 凡若干卷 攜以自藥

先儒黃道周 明人 明史與劉 宗周並稱之

先儒湯斌 號潛菴 河南睢州人 歷工部 尚書 潛心理學 有功聖道



黃道周湯斌增祀

崇聖祠在大成殿左

木主高一尺五寸濶三寸二分赤地黑書

肇聖王木金父正中南向

裕聖王祈父東一室南向

貽聖王防叔父西一室南向

昌聖王伯夏父東二室南向

啟聖王叔梁父西二室南向

東配

仁壽縣志

卷四

禮教志

六

先賢顏氏

無繇

先賢孔氏

鯉

西配

先賢曾氏

點

先賢孟氏

激

東廡

先儒周氏

名輔成

先儒張氏

迪

張氏增祀



先儒蔡氏 元定

西廡

先儒程氏 珦

先儒朱氏 松

仁壽縣志

卷四

禮教志

无











祭典每歲春秋仲月上丁日致祭

大成殿正位陳設白磁爵三登一太筐一帛用綾白色長一丈八尺

俎三黑犢簋二黍籩二稻鉶一和邊十形鹽棗栗榛菱芡藁魚鹿脯白

餅黑豆十韭菹醢醢菁菹鹿醢脾析酒罇六

四配每位陳設白磁爵三筐一帛用絹白色長一丈八尺俎二羊簋一

黍簋一稷鉶二和邊八豆八無白餅黑餅酒罇一

十二哲東陳設各筐一帛白磁爵每位俎豕東西案

簋一黍籩一稷鉶一和邊四鹽棗栗脯豆四菁菹鹿醢豕首

東西酒罇東西各一共一

仁壽縣志 卷四 禮教志

兩廡每陳設帛一白銅爵每位豕首每廡豕肉每廡

每案簋籩各一邊豆各四庶品俱酒罇每廡



正 殿 陳 設 圖      四 配 陳 設 圖

仁壽縣志






卷四

禮教志

三



豆 銅 簋 登 簋 銅 籩





二十哲陳設圖 東廡西廡陳設圖

仁壽縣志

卷四

禮教志

三




豆

簋

簠

邊








豆

簋



簠

邊





樂器

磨一編鐘一十六金編磬一十六玉楹鼓一田鼓二搏拊二祝一敔一琴六瑟四簫六笛六鳳簫二笙六塤二箎二旌節二羽籥三十六佾舞生三十六人

仁壽縣志

卷四

禮教志

三

琴瑟楹鼓 磨笙鳳簫簫笛  
琴瑟編鐘 祝笙塤簫笛搏拊 田鼓  
琴瑟編磬 笙箎簫笛 鼓

樂正

圖

琴瑟編磬 鼓  
琴瑟編鐘 祝笙塤簫笛搏拊 田鼓  
琴瑟應鼓 磨笙鳳簫簫笛



舞舞舞舞舞舞

節 舞舞舞舞舞舞

舞舞舞舞舞舞

舞

俗正

圖

舞舞舞舞舞舞

節 舞舞舞舞舞舞

舞舞舞舞舞舞

仁壽縣志

卷四

禮教志

三

樂章

乾隆八年

迎神奏昭平之章春祭簫譜

壘篴排簫同

大 佾 哉 佾 孔 子

伍 先 佾 覺 佾 先 伍 知 佾 與 佾 天 佾 地 佾 參 伍 萬 佾 世 佾

之 伍 師 佾 祥 伍 徵 佾 麟 佾 紱 佾 韻 佾 答 佾 金 佾 絲 佾 日

佾 月 佾 既 佾 揭 伍 乾 佾 坤 佾 清 佾 夷 佾

春祭笛譜大 佾 哉 佾 孔 子 佾 先 佾 覺 佾 先 佾 知 佾 與

佾 天 佾 地 佾 參 佾 萬 佾 世 佾 之 佾 師 佾 祥 佾 徵 佾 麟 佾

紱 佾 韻 佾 答 佾 金 佾 絲 佾 日 佾 月 佾 既 佾 揭 佾 乾 佾 坤

佾 清 佾 夷 佾



秋祭簫譜大伏哉孔伏子先伏覺先伏知仕

天伏地參伏萬世伏之師伏祥徵伏麟伏

紘伏韻答伏金絲伏日月伏既揭伏乾坤

仕清伏夷伏

秋祭笛譜大仕哉孔伏子先伏覺先伏知仕與

天伏地參伏萬世伏之師伏祥徵伏麟仕

紘伏韻答伏金絲伏日月伏既揭伏乾仕坤

仕清伏夷仕

奠帛初獻奏宣平之章春祭簫譜予伏懷明伏德伍

仁壽縣志 卷四 禮教志 三

玉仕振金伏聲生伏民未仕有伍展伏也伏大

伍成伏俎伍豆仕干古伍春秋伏上伍丁伏清伏

酒仕既載伏其香伏始升伏

春祭笛譜予伏懷明仕德玉伏振金伏聲伏生

仕民伏未有伏展也仕大伏成仕俎伏豆伏干伏

古伏春仕秋仕上伏丁仕清伏酒伏既載伏其伏香

仕始伏升伏

秋祭簫譜予伏懷明仕德玉伏振金伏聲伏生

仕民伏未有伏展也仕大伏成仕俎伏豆伏干伏



古伏春仕秋仕上伏丁仕清伏酒伏既伏載伏其伏香仕  
始伏升伏

秋祭笛譜予仕懷仕明伏德伏玉仕振仕金仕聲伏生仕  
民仕未伏有伏展仕也伏大仕成伏俎伏豆伏千仕

古伏春伏秋伏上伏丁伏清仕酒仕既仕載仕其仕香仕  
始仕升仕

亞獻奏秩平之章春祭蕭譜式伏禮伏莫伏愆仕升仕  
堂伍再伏獻伏響仕協伍鼗伏鏞伏誠伍孚仕壘伍戲伏  
肅伍肅伍雍伏雍伏譽伏髦伏斯仕彥伏禮仕陶伍

仁壽縣志 卷四 禮教志 三  
樂伏淑伏相伍觀伏而伏善伏

春祭笛譜式伏禮伏莫仕愆伏升伏堂伏再伏獻伏響伏  
倪協倪鼗倪鏞仕誠倪孚倪壘倪戲倪肅倪肅倪雍仕

雍仕譽伏髦伏斯伏彥伏禮伏陶伏樂仕淑仕相伏觀仕  
而伏善伏

秋祭簫譜式伏禮伏莫仕愆伏升伏堂伏再伏獻伏響伏  
倪協倪鼗倪鏞仕誠倪孚倪壘倪戲倪肅倪肅倪雍仕

雍仕譽伏髦伏斯伏彥伏禮伏陶伏樂仕淑仕相伏觀仕  
而伏善伏



秋祭笛譜式仕禮仕莫仕愆仕升仕堂仕再仕獻仕響  
仕協仕鼓仕鏞仕誠仕孚仕壘仕龐仕肅仕肅仕雍仕  
雍仕譽仕髦仕斯仕彥仕禮仕陶仕樂仕淑仕相仕觀仕  
而仕善仕

終獻奏敘平之章春祭簫譜自仕古仕在仕昔仕先仕  
民仕伍仕有仕作仕皮仕弁仕祭仕菜仕於仕論仕伍仕思仕樂仕  
惟仕伍仕天仕牖仕民仕惟仕聖仕時仕若仕彝仕倫仕  
攸仕敘仕至仕今仕木仕鐸仕

春祭笛譜自仕古仕在仕昔仕先仕民仕有仕作仕皮

仁壽縣志 卷四 禮教志 三

民仕惟仕化仕聖仕時仕若仕彝仕倫仕攸仕敘仕至仕今仕  
木仕化仕鐸仕

秋祭簫譜自仕古仕在仕昔仕先仕民仕有仕作仕皮  
民仕惟仕化仕聖仕時仕若仕彝仕倫仕攸仕敘仕至仕今仕  
木仕化仕鐸仕

秋祭笛譜自仕古仕在仕昔仕先仕民仕有仕作仕皮  
民仕惟仕化仕聖仕時仕若仕彝仕倫仕攸仕敘仕至仕今仕  
木仕化仕鐸仕



民伏惟在聖化時在若伏彝伏倫伏攸化叙伏至化今  
伏木在鐸伏

徹饌奏懿平之章春祭簫譜先伏師伏有伏言伍祭伏

則伏受伏福伍四伏海伏鬻伍宮伏疇伏敢伏不伏肅

伏禮伍成伏告伏徹伍毋伏疏伏毋伏瀆伏樂伍所伏

自伏生伏中伍原伏有伏菽伏

春祭笛譜先伏師化有伏言伏祭伏則伏受伏福伏四

化海伏鬻伏宮伏疇化敢伏不化肅伏禮伏成伏告伏

徹伏毋化疏伏毋化瀆伏樂伏所伏自化生伏中伏原

仁壽縣志 卷四 禮教志 卑

伏有化菽伏

秋祭簫譜先伏師化有伏言伏祭伏則伏受伏福伏四

化海伏鬻伏宮伏疇化敢伏不化肅伏禮伏成伏告伏

徹伏毋化疏伏毋化瀆伏樂伏所伏自化生伏中伏原

伏有化菽伏

秋祭笛譜先伏師在伏言伏祭伏則化受伏福伏四

化海伏鬻伏宮伏疇化敢伏不化肅伏禮伏成伏告伏

徹伏毋化疏伏毋化瀆伏樂伏所化自化生化中伏原

伏有化菽伏



送神奏德平之章春祭簫譜鳧伏釋伏峩伏峩伍洙伏

泗伏洋伏洋伏景伏行伍行伍止伏流伏澤伏無伍疆

伏聿伍昭伏祀伏事伏祀伏事伏孔伏明伏化伏我伍

蒸伏民伏育伏我伏膠伏庠伏

春祭笛譜鳧伏釋伏峩伏峩伏洙伏泗伏洋伏洋伏景

伏行伏行伏止伏流伏澤伏無伏疆伏聿伏昭伏祀伏

事伏祀伏事伏孔伏明伏化伏我伏蒸伏民伏育伏我

伏膠伏庠伏

秋祭簫譜鳧伏釋伏峩伏峩伏洙伏泗伏洋伏洋伏景

仁壽縣志 卷四 禮教志

聖

伏行伏行伏止伏流伏澤伏無伏疆伏聿伏昭伏祀伏

事伏祀伏事伏孔伏明伏化伏我伏蒸伏民伏育伏我

伏膠伏庠伏

秋祭笛譜鳧伏釋伏峩伏峩伏洙伏泗伏洋伏洋伏景

伏行伏行伏止伏流伏澤伏無伏疆伏聿伏昭伏祀伏

事伏祀伏事伏孔伏明伏化伏我伏蒸伏民伏育伏我

伏膠伏庠伏

凡春祭夾鍾清商立宮倍應鐘清變宮主調凡秋祭

南呂清徵立宮仲呂清角主調



迎神咸平之章無舞六上哉尺至工聖六峻五德上宏  
五功六敷五文六衍丁化上百六王尺是四崇上典上  
則五有六常工昭七茲五辟工雍六有六虔工簠上簋  
尺有工嚴六鼓尺鐘土

奠帛初獻甯平之章作甯平舞覺上我尺生工民尺陶  
工鑄六前五聖六巍五巍六泰上山尺實上予尺景工  
行尺禮上備五樂六和工豆上籩六惟五靜六既五述  
六六工經尺爰五斟六三工正上

亞獻安平之章作安平舞至上哉尺聖工師六天五授

仁壽縣志 卷四 禮教志 聖

六明工德尺木六鐸工萬五年六式工是人羣四辟上  
清上酒五維六醕工言上觀六秉五翟六太上和尺常  
六流尺英五材六斯工植上

終獻景平之章作景平舞倚上歟六素工王上示工子  
六物五軌六瞻上之五在六前工神六其尺甯四止上  
酌尺彼上金五壘六惟上清五且工旨六登六獻工既  
五終六弗工遐尺有四喜上

徹饌咸平之章無舞璧上水尺淵工淵尺崇六牙四業  
四業上既五飲上宣五聖六亦工儀六十尺哲上聲尺



金上振尺玉工告上茲六將五徹六醜六假工有上成  
尺羹工牆六靡尺悒上

送神咸平之章無舞煌上煌五學六宮工四上方尺來

工宗尺甄上陶五胄六子工暨六予工微尺躬上思工

皇六多五士六膚工奏尺厥四功上佐上予五永六清

工三五五六是工隆

舞譜州志

初獻作甯平舞覺一舞我二舞生一別民一扯陶一召

鑄二召前一揖聖對面魏兩舞魏對面泰一擺山一灌

仁壽縣志

卷四

禮教志

墨

實一別子二別景一揖行一擺禮一舞備一舞樂一擺

和二擺豆對面一邊對面二惟一揖靜朝上既一別述

脚二別六脚一提經一扯爰手一擺斟二擺三手三擺正頭一叩

亞獻作安平舞至一舞哉二舞聖脚一別師圈一扯天一召

授二召明一揖德面一對木兩舞鐸對面禽脚一擺世一灌

式一別是脚二別羣一揖辟手一拱清二舞酒二舞惟脚一擺

醋脚二擺言對面觀對面二秉一揖翟朝上太脚一別和別

脚常脚一提流圈一扯英手一擺材二擺斯手三擺植頭一叩

終獻作景平舞猗一舞歟二舞素脚一別王圈一扯示一尖



予二看尖物三看尖軌一蹲身瞻背一之背二在脚一前一摠

神對面一其對面二甯一揖止一拱手酌一看尖彼二看尖金一揖

壘一摠惟一召清二召且一蹲身旨二蹲身登一摠手獻二摠手

既三摠手終朝上弗一舒手遐二舒手有三舒手喜一叩頭

祝文乾隆九年維年月日具官某致祭於至聖先師

孔子之神維先師德隆千古道冠百王揭日月以常

行自生民所未有屬

文教昌明之會正禮節樂和之時辟雍鐘鼓咸恪薦於

馨香泮水膠庠益致嚴於籩豆茲當仲春秋祗率彝章肅

仁壽縣志 卷四 禮教志 器

展微忱聿將祀典配以復聖顏子宗聖曾子述聖子思

子亞聖孟子

儀注前二日執事官今用主祭官齋戒補服至犧牲所省牲

前一日承祭官率僚屬朝服後用補服上香監視宰牲前一

日執事者舉祝案送至齋所承祭官視畢送至前後殿

安設一跪三叩首退祭日各官入兩旁門序立通贊簽

祝版引贊更衣升堂引各官從序爵序事請祝簽名各官

祝版書名於下堂從西階下啟戶樂舞生就位執事者各

執其事分獻官就位陪祭官就位主祭官就位文東武西瘞



毛血司毛血生將毛血捧從中啟牲饌蓋迎神樂作

樂奏昭平之章無舞引贊神降揖眾官復位通贊參神

跪叩首行三跪興平身樂止行奠帛初獻禮樂作奏樂

宣平之章有主祭官詣盥洗所浴手進巾詣酒尊所司

尊者舉冪酌酒詣

至聖先師孔子神位前叩首行一跪興進帛捧帛生以

奠帛承祭官捧帛拱進爵執爵生以獻爵承祭官接爵拱

跪叩首行一跪興詣讀祝位跪鳴贊眾官皆跪引贊讀

祝文讀祝生至祝案前一跪三叩捧祝版跪於案左興

仁壽縣志 卷四 禮教志 聖

平身復位鳴贊眾官皆興通贊行分獻禮引贊分獻官

詣

復聖顏子神位前跪叩首興進帛奠帛進爵獻爵跪叩

首興平身詣

宗聖曾子神位前如復聖儀

述聖子思子神位前如前儀

亞聖孟子神位前如前儀

東西哲先賢神位前如前儀

東西廡先賢先儒神位前如前儀 通贊 行亞獻禮樂作



樂奏秩平之章有舞通贊行終獻禮樂作樂奏秩平

引贊引如初獻儀贊引贊引如初獻儀贊

亞獻儀贊飲福受胙引贊引詣受福位飲福酒贊

受福胙執事生取中爵羊左脯跪奉承祭官接謝神贊

贊舉畢由中門出正階下送署通贊贊徹饌牲饌稍

跪叩首承祭官行一興平身復位通贊贊

樂作樂奏懿平辭神跪叩首各官行三興平身通贊贊送

神樂作樂奏德平之章無舞引神去揖眾官復位通贊贊

望燎讀祝者捧祝執帛者捧帛各詣望燎所讀祝生至

一跪三叩禮取祝捧帛生至各位前一跪三叩取帛捧

起祝在前帛次之俱由中門出承祭各官退至西旁候

立引贊引眾官詣望燎位焚祝帛復位通贊贊闔戶禮畢

仁壽縣志禮教志 卷四

散班

崇聖祠附

丁祭日分獻官或先祭同時祭

崇聖祠正位陳設五案每帛一色白白磁爵三羊豕各一

鉶二簋簋各二籩豆各八酒罇一

配位陳設四案帛二白色東豕首二東西豕肉二東西


每銅爵三簋簋各一籩豆各四酒罇一

從配陳設兩案帛二白色東銅爵五每位案簋簋各

一籩豆各四豕肉一酒罇一



崇聖祠配位陳設圖




仁壽縣志

卷四

禮教志


畢

崇聖祠正位陳設圖





崇聖祠東廡西廡陳設圖



仁壽縣志

卷四

禮教志

哭

祝文惟神尼山毓秀盛德發祥篤生

夫子萬仞宮牆

茲因仲

春秋

謹以牲帛醴齊粢盛庶品式陳清薦以先賢

顏氏先賢曾氏先賢孔氏先賢孟氏配餼饗

儀注無樂舞中間亦無飲福胙謝福胙二節餘俱與

聖廟同

名宦  
祠附

丁祭日同祭

名宦祠鄉賢祠忠孝祠節孝祠同治二年奉文建

昭忠祠同祀



名宦祠在 聖廟右

國朝瓦爾喀巴圖魯南朱馬喇

國朝光祿大夫哈思漢泥哈番南伊馬喇

國朝湖廣總督部院前任四川布政使司李輝祖

國朝提督四川學政按察司副使周燦

國朝原任分巡松茂道歷陞戶部尚書王隲

國朝光祿大夫男畧提軍總督雲貴兵部尚書兼都察

院都御史世襲一等精奇尼哈番諡忠襄趙良棟

祝文部頌維靈文武憲邦公忠體國當

仁壽縣志

卷四

禮教志

四

皇朝之肇造心膂攸同值

列聖之不承股肱作輔明良合德奮庸而庶績咸熙中外

宣猷敷澤而兆民永賴洵屬廊廟之碩望允宜俎豆以

明禋考績紀勳崇報昭垂於令典陳牲奠幣馨香祇薦

於歲時尚饗

鄉賢  
祠附

鄉賢祠在 聖廟右

宋黃州刺史孫光憲

宋太子洗馬龍昌期



宋捫膝先生喻汝礪

宋右司諫陳祐

宋狀元官中書侍郎右僕射何臬

宋左中奉大夫開國男累贈太師秦國公虞祺

宋秘書省正字韓駒

宋雍國公諡忠肅虞允文

宋贈大中大夫寶謨閣待制陳咸

宋雅州僉判程壬孫

宋翰林院編修虞汲

仁壽縣志

卷四

禮教志

辛

宋利州路提刑虞剛簡

元奎章閣學贈仁壽公諡文靖虞集

元湘郎州判官虞槃

明中奉大夫雲南左布政使司劉元

明浙江臺州府知府閔繼縉

明山西道御史黃昌

明舉人饒勅

明江西撫州府知府徐佩弦

祝文崇慶州志於惟羣公毓秀茲邦懿德卓行奕世流芳茲



惟仲春秋謹以牲醴用伸常祭尙饗

忠孝祠附

忠孝祠在 聖廟右

宋程遇孫

宋西河知州陳寅

宋鄉貢進士李時雨

明知縣唐鳳翥

明劉士凱

明靜海縣知縣辜鳳翼

仁壽縣志 卷四 禮教志

三

明劉三策

明貢生顧鼎鉉

明舉人賈鍾斗

明龍新明

明諸生黃映璧

明左灼

明陳素

明陳應新

國朝把總武舉江悅柏



國朝武舉張鳳翥

祝文部頌維靈秉賦貞純躬行篤實忠誠奮發貫金石而

不渝義問宣昭表鄉閭而共式祇事懋彝倫之大性摯

莪蒿克恭念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳奠祭來格几

筮尚饗

昭忠祠附

昭忠祠在忠義祠左同治三年邑令羅廷權建

國朝蒲圻死節知縣周和祥南鄭陣亡遊擊苟芝蘭辦

仁壽縣志

卷四

禮教志

三

團殉難未入流江城等

陣亡鄧積武等一百餘名

殉難唐高志等數十名

附昭忠祠歲收順城竈生息錢四千文三聖宮餽稱

錢十二千文邱代華生息錢四千文又向家場劉啟

春佃充衙神祠地安押租錢六十千文撥入昭忠祠

歲稱租錢四千文共二十四千文為中元孟蘭會

附羅廷權孟蘭會記畧滇匪李永和藍大順等蹂躪

川咸豐十年十一年迭竄境縣城失守辦團委員馬



少尹楚材江少尹城楚材之子德馨均被害城鄉紳  
團勦賊陳亡百數十人殉難人民婦女復夥 旌卹  
准建專祠在案本年仲春新建昭忠祠成謹將陣亡  
殉難官紳團丁節烈婦女並前湖北蒲圻殉難周觀  
察和祥陝西南鄭陣亡敬遊戎芝蘭分別設牌入祠  
移會同城文武率紳耆祭奠不觀感擬於春秋祭外  
再伸悃忱溯查滇匪入城放火焚署幸未延燒合城  
居民房屋無恙係賴火神默佑本城餽稱息內提錢  
四十八千作鄉約四名口食查鄉約無應領口食之  
例自應仍歸客長承辦不給口食嗣餽稱息內每年  
提錢三十六千文歸火神廟焚獻以答神庥提錢十  
二千文歸昭忠祠由餽稱值年首事交三費局收存  
先年縣署辦理孟蘭會雖據向家場王永德將王永  
秀當價錢一百六十千文施充本年二月佃戶劉啟  
春在三費局寫立佃約每年六月納租錢四千文上  
年縣署辦理孟蘭會存錢二十千文本年二月交北  
門順成井每千每年二分生息共錢四千文七月初  
交出立有約據存三費局以上三項每年共收錢二



十千文七月十五以前三費局士協同餽稱首事在  
城隍廟辦盂蘭會延僧唸經五日焚化冥楮超度昭  
忠祠官紳團丁節烈婦女以及縣城一切死於非命  
金監卡病故無祀人等以昭誠敬伏思崇忠義重節  
烈憫孤魂皆守土者之責惟冀弊絕風清經費長存  
庶善舉得以歷久不廢云 陳韶湘弔祭陣亡殉難  
詩人壽百年終一死所不堪者偷生耳不見國史貳  
臣篇臨危各各肝腸靡蒼茫沙劫浩無窮鐵樹花開  
銅馬起豺擁狗舅獮兒嘯聚居然犯我里義旗星  
仁壽縣志

卷四

禮教志

蓄

閃鄉兵來霜刃一揮賊巢圯再接再厲森戈矛恢復  
驚聞我壁壘烈烈將軍可斷頭落落霽雲先截指螳  
螂聯臂奮當車雷動欲呼山欲徙萬卒衝烟不顧身  
陣雲出沒飛沙裏是人馬兩模糊中有健兒勇莫  
比迎頭夾擊喪其元厭亂天心乃如此草木生悲風  
月愁泪流欲竭西江水銘旌誰爲達絲綸丹荔黃蕉  
聊翦紙嗚呼慟殺一龕好男子

節孝  
祠附

節孝祠在

聖廟右



節孝婦劉慶衍妻金氏等

烈婦陳寅妻杜氏等

賢婦虞汲妻楊氏等

烈女辜鳳翼孫女辜氏等

貞孝女梁錫妹等

祝文

部頌

惟靈純心皎潔令德柔嘉矢志完貞全閨中之

亮節竭誠致敬彰閩內之芳型茹冰蘖而彌堅清操自

勵捧盤匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦清醪

仁壽縣志

卷四

禮教志

七

尚饗

武廟

後殿附

武廟順治九年

勅封忠義神武靈佑關聖大帝乾隆三十三年

詔加諡忠義神勇顯佑嘉慶十九年奉文加封仁勇二字

於原銜之下咸豐三年奉文我朝尊崇

關帝祀典攸隆仰荷神威疊昭顯佑本年復加崇封號

並升入中祀自明年春祭始悉照中祀禮舉行樂用

六成舞用八佾五月十三日



關帝聖誕無庸禁止屠宰通行各該衙門轉飭所屬一體遵照其應用樂章俟翰林院撰擬送部再行知照至各直省主祭及執事人員均照中祀一體辦理九年御書萬世人極匾額頒懸天下武廟

武廟在治前崇禎中邑人閔之聞建康熙五十五年邑令蔡玉禎重修同治三年四年邑令羅廷權濮琮復修祭典歲以春秋仲月上戊日致祭前殿祭品用帛一色白牛一羊一豕一邊豆各十儀注如 聖廟禮其五月十三日致祭不用邊豆祝文用果五盤

仁壽縣志

卷四

禮教志

五

樂章

咸豐四年部頒

春迎神格平之章龔鏢龔兮龔焜龔煌龔神龔威龔靈龔兮龔赫龔八龔方龔偉龔烈龔昭龔兮龔累龔祀龔祀龔事龔仕龔明龔兮龔永龔伍龔光龔仕龔達龔仕龔精龔伍龔誠龔兮龔祀龔黍龔稷龔兮龔馨龔祀龔香龔仕龔儼龔祀龔如龔仕龔在龔兮龔仕龔洋龔祀龔洋龔奠帛初獻翊平之章英龔風龔飆龔兮龔伍龔神龔伍龔格龔伍龔思龔仕龔紛龔祀龔綺龔祀龔蓋龔仕龔兮龔伍龔龍龔祀龔旗龔祀龔斲龔祀龔桂龔祀龔醕龔仕龔兮龔伍龔盈龔伍龔卮龔仕龔香龔祀龔始龔祀龔升龔伍龔兮龔仕龔明龔祀龔染龔祀龔惟龔伍龔降龔仕龔鑿龔祀龔兮龔伍龔在龔祀龔茲龔仕龔流龔祀龔景龔祀龔祚龔仕龔兮龔伍龔翊龔祀龔昌龔祀龔時龔祀龔



亞獻恢平之章觴伏再伏酌伏兮伍告伏虔伍舞伏于

伏戚伍兮伍合伏宮伍懸伏歆伍苾伍芬伏兮伍潔伍

蠲伏扇伏巍伏顯伍翼伍兮伍神伏功伏宣伏

終獻靖平之章鬱伏鬯伏兮伍三伍申伍羅伏邊伏簋

仕兮伍畢伏陳伏儀伏卒伍度伍兮伍肅伏明伏禋伍

神伍降伏福伍兮伍宜伏民伏宜伏人伏

徹饌彝平之章物伏惟伏備伍兮伍咸伏有伏明伍德

仕惟伍馨伏兮伍神伏其伍受伏告伏徹伍兮伍禮伍

終伍罔伏咎伏佑伏我伍家伍邦伍兮伍孔伏厚伏

仁壽縣志 卷四 禮教志 妻

送神康平之章其幢伏葆伏葳伏蕤伍兮伍神伍聿伍

歸伍馭伏鳳伍軫伏兮伍駿伍虬伏駢伏降伏烟伍煜

伍兮伍餘伍飶伏馐伍願伏回伏靈伍盼伍兮伍德伏

洽伏明伏威伏

望燎康平之章其煮伏蒿伏烈伏兮伍燎伏有伏輝伍

神伍光伍遙伍燭伏兮伍祥伏雲伍霏伏祭伏受伍福

伏兮伍茂伏典伏無伍違伍庶伏揚伏駿伍烈伏兮伍

永伏奠伏置伏畿伏

祭迎神格平之章懿備鑠備兮伍焜備煌備神備威備







伏兮伏餘伏伏馘伏馘伏願伏回伏靈伏盼伏兮伏德伏  
洽伏明伏威伏

望燎康平之章其煮伏蒿伏烈伏兮伏燎伏有伏輝伏

神伏光伏遙伏燭伏兮伏祥伏雲伏罪伏祭伏受伏福伏

伏兮伏茂伏典伏無伏違伏庶伏揚伏駿伏烈伏兮伏

永伏奠伏暨伏幾伏

春祭樂章春夾鍾清均倍應鍾起調簫伏除仁化笛  
伏除伍仁秋祭樂章秋南呂清均仲呂起調簫伏除  
伍仁笛伏除伏伍

仁壽縣志 卷四 禮教志 堯

祝文頌部維帝浩氣凌霄丹心貫日扶正統而彰信義威  
震九州完大節以篤忠貞名高三國神明如在徧祠宇  
於寰區靈應丕昭薦馨香於歷代屢徵異蹟顯佑羣生  
恭值嘉辰遵行祀典筵陳籩豆几奠牲醪尚饗

後殿附

後殿雍正三年

勅封

關帝三代公爵

曾祖光昭公



祖裕昌公

父成忠公製造神牌供奉後殿春秋致祭光昭公正中南向裕昌公東一室南向成忠公西一室南向成豐五年加封

光昭公為光昭王

裕昌公為裕昌王

成忠公為成忠王

祭品帛各一色白豕各一羊各一籩豆各八行二跪六叩

禮主祭官謁各爐前奉香餘同前殿五月致祭祭品惟

仁壽縣志

卷四

禮教志

卒

不用牛餘同

祝文頌部惟公世澤貽庥靈源積慶德能昌後篤生神武

之英善則歸親宜享尊崇之報列上公之封爵

錫命優隆合三世以肇禮典章明備恭逢諏吉祇事薦馨

尚饗

附武廟水碾充業一分招佃歲納租錢五千七百文

毛响灘濟倉田歲誕祭撥納租錢二十千文

文後殿  
廟附

文昌廟嘉慶六年奉



上諭崇爲文廟仍照 關帝廟定制春秋致祭以二月初

三日 聖誕爲春祭秋祭另行擇吉咸豐七年奉文

文昌帝君升入中祀春秋二祭著卜吉舉行二月初三

日 聖誕卽照 關帝聖誕點香禮節並毋庸禁止屠

宰通行在京文武各衙門並直省各督撫將軍都統副

都統提督城守尉防守尉轉飭所屬一體遵照至各直

省主祭及執事人員均照中祀一體辦理其應用樂章

俟翰林院撰擬送部再行知照

文廟在治西雷月峰上嘉靖中邑令傅楫建康熙六年

仁壽縣志

卷四

禮教志

空

邑令唐纘辛復修道光十五年士民培修

祭典歲春秋祭日由欽天監選定彙入祀典祭品儀注

與 武廟同

樂章

咸豐四年 部頒

迎神不平之章秉

伏氣 伏兮 伏靈 伍躔 伍翊 伏文 伏運

伍兮

伏赫 伍中 伏天 伏蜺 伏旌 伏兮 伏戾 伏止 伏雕 伏

俎

伏兮 伍告 伍虔 伏迓 伏神 伏麻 伏兮 伍於 伏萬 伏斯

伏年

奠帛初獻俶平之章神 伏之 伏來 伍兮 伏邊 伍簋 伍式



仇陳伏神伍之仕格伏兮伍几伏筵伏式仕親伍極伏  
昭伏彰仕兮伍靈伏貺伏致伏蠲伏潔伍兮仕明伏禮  
伏升伏香仕兮伍伊伏始伏居伏歆仕兮伍佑伍我伏  
人伏民伏

亞獻煥平之章再伏酌伏兮伏瑶伍觴仕燦伏爛伏兮  
伏庭伏燎伏之伍光仕申伏虔伏禱仕兮伍神伏座伏  
儼伍陟仕降伏兮伍帝伏旁伏粢伏醴伏潔伏兮伍齋  
仕邀伏將伏綏伏景仕運伍兮伏靈伏長伏  
終獻煜平之章禮伏成伏三伏獻伍兮仕樂伏奏伏三

仁壽縣志 卷四 禮教志 奎

伍終仕覃伏敷伏元伏化仕兮伍繁伏神伏功伍馨伏  
香伏達伍兮仕肸伏蠶伏通伍歆仕明伍德伏兮仕昭  
仇察伏寅伏衷伏

徹饌懿平之章備伏物伏兮伏惟伍時仕告伏徹仕兮  
伍終伏禮伏儀伏神伏悅伏懌伍兮仕鑿伏在伏茲仕  
垂仕鴻伍佑伏兮伏累伏洽伏重伏熙伏

送神蔚平之章其雲伏駢伏駕伏兮伍風仕旗伏招伏  
神伍之仕歸伏兮伍天伏路伏遙伏瞻仕翠伏葆伍兮  
仕企伍丹伏霄仕願伏迴伏靈仕眷伍兮仕福伏我伏



朝伏

望燎蔚平之章其烟伏熅伏降伍兮伏元伍氣伏和伏

神伏光伏燭伍兮伏梓伏灌伏之伍阿伏化伏成伏耆

伏定伏兮伍橐伏弓伏戢伍戈伏文伏治伍光伏兮伏

受伏福伏則伏那伏

樂章春夾鍾清均倍應鍾起調秋南呂清均仲呂起

調

祝文部頌惟神蹟著西垣樞環北極六匡麗曜協昌運之

光華累代垂靈爲人文之主宰扶正久彰夫感召薦馨

仁壽縣志 卷四 禮教志 三

宜致其尊崇茲屆仲春用昭時祀尙祈歆格鑒此精虔

尙饗

後殿附

後殿祀

文昌帝君三代嘉慶七年建

祭典照武廟後殿致祭

祝文部頌祭引先河之義禮崇反本之思矧夫世德彌光

延賞斯及祥鍾累代炯列宿之精靈化被千秋緯人文

之主宰是遵後殿用答前庥茲值仲春肅將時祀用仲



告潔神其格歆尙饗

附文廟租錢一嘉慶三年生監捐錢六十千價當舖

房一間歲收租錢八千四百文一嘉慶三年程道將

等充公錢九十二千價當舖羅仕任田地一分歲收租

錢九千文一嘉慶六年劉潤金充公錢一百八十千

價當舖房五間歲收租錢一十八千文一嘉慶七年

李文鳳充公錢七十一千價當舖房一間歲收租錢

七千文通共歲收租錢四十二千四百文嘉慶十年

曾仕攀孫孟克點及曾忠等四大房人割地由學署左

仁壽縣志

卷四

禮教志

畝

右水溝直上抵橫水溝轉從荒山斜下抵江姓界撥

糧四分八毫獻入祠內永作焚獻招佃原歲納租錢

十二千文又富加場廖君酬充業一分招佃押租錢

二十千文歲納租錢十二千五百文張家場屠行地

租歲納錢十二千文撥十六千作誕祭費由公局經

收支發

城隍廟

城隍廟在治東門內

祭典歲以春秋仲月日致祭均設位於山川風雲雷雨



壇惟五月二十八日致祭於廟陳設爵三牲三饌五  
祝文某官某致祭於 城隍之神惟神贊襄天澤福佑  
蒼黎佐靈化以流行生成永賴乘氣機而鼓盪和肅攸  
宜磅礴高深長保安貞之吉憑依鞏固實資捍禦之功  
幸民俗之殷盈仰神明之庇護恭修歲祀正值良辰敬  
潔豆籩祇陳牲幣尙饗

威志城隍名見易唐始祀於吳越宋遍天下陸稼書  
云春秋祀於壇朔望祀於廟亦於彼於此之義

龍神廟

仁壽縣志

卷四

禮教志

奎

龍神廟在治北三里龍王溝右道光二十五年邑令劉  
均貽建修

祭典歲以春秋仲月致祭祭品用帛一豕一羊一酒爵  
三

祝文某官某致祭於 龍王之神惟神德洋寰海澤潤  
蒼生允襄水土之平經流順軌廣濟泉源之用膏雨及  
時績奏安瀾占大川之利涉功資育物欣庶類之繁昌  
仰藉神庥宜隆報享謹遵祀典式協良辰敬布几筵肅  
陳牲幣尙饗



火神廟

火神廟在治前

祭典歲以春秋仲月致祭祭品用帛一豕一羊一酒爵

三

祝文某官某致祭於 火德熒星尊神恭維尊神正位

離明體陽用陰配坎福民有功民社祀典崇新茲屆仲  
春敬薦豆馨惟望神靈默佑心曜含精上報懷柔之

聖世下錫康吉於蒼生刳牲酬酒鑒此一誠尚饗

呂真君廟

仁壽縣志

卷四

禮教志

矣

呂真君廟嘉慶十一年奉文加封尊號載入祀典

欽定燮元贊運四字加於原銜之上設立牌位建祠崇祀

呂真君廟在治北關外

祭典歲二月初四日八月初四日致祭祭品用核桃荔

枝圓眼饅首

五盤

蒸糕

五盤

棗栗

各一盤

餅

四盤

高頂

一盤

祝文某官某致祭於 燮元贊運呂真君之神惟神法

判五雷道通三教金闕選仙掃魑魅魍魎之怪玉清內

相溥風雲雨露之仁術傳無極子啟河洛之苞符易註

壽山堂演乾坤之著策屢徵聖蹟應答神恩茲屆仲

春秋



用昭時祀庶幾歆享益鞏固夫

皇圖爰祀精虔冀降康於億兆神其來格鑒此飢馨尙饗

厲壇

厲壇國初順治年定雍正三年添設飯米

厲壇在治北門外一里

祭典歲以清明日七月十五日十月初一日致祭

儀注祭日晡前補服備香燭酒菓詣本處

城隍行一跪三叩禮焚告文以儀從請至壇中

城隍神位前陳設祝版一帛一白爵三羹五器羊一豕

仁壽縣志

卷四

禮教志

老

同一組鐙二鑪一香槃一紙馬一分無祀鬼神東西各一

案爵三菜三器羊豕肉各一器飯一鐙二鑪一楮十兩

鏢十束晡後主祭官率其屬禮服詣壇引贊生前引至

生引贊生前唱主祭官就位俟立定陪祭官各就位俟立定班齊唱

上香引贊生前詣盥洗所濯水進巾引主祭官至案前

復位唱迎神贊一跪三叩首興唱行獻禮贊詣

城隍神位前跪獻帛獻爵叩首興贊詣讀祝位跪唱陪

祭官皆跪贊讀祝文叩首興復位唱徹饌送神贊一跪

三叩首興唱焚祝帛紙馬復位禮畢神起送神一揖



告文部某縣官遵承禮部劄付爲祭祀本縣無祀鬼神

該欽奉

皇帝聖旨普天之下后土之上無不有人無不有鬼人鬼之道幽明雖殊其理則一今

國家治民事神已有定制尙念冥冥之中無祀鬼神昔爲生民未知何故而沒其間有遭兵刃而死者有死於水火賊盜者有被人取財而逼死者有被人強奪妻妾而死者有遭刑禍而負屈死者有天災流行而瘟疫死者有爲猛獸毒蛇所害者有爲飢餓凍死者有因戰鬪

仁壽縣志

卷四

禮教志

六

而殞身者有因危急而自縊者有因牆屋傾墮而壓死者有死後無子孫者此等鬼魂或終於前代或沒於近世或兵戈擾攘流移於他鄉或人煙斷絕久缺其祭祀姓氏泯沒於一時祀典無關而不載此等孤魂死無所依精魄未散結爲陰靈或依草附木或作爲妖怪悲號於星月之下呻吟於風雨之時凡遇人間節令心思陽世魂杳杳以無歸身墮沉淪意懸懸而望祭興言及此憐其慘悽故勅天下有司依時享祭命本處城隍以主此祭鎮控壇場監察諸神等類其中果有生爲良善誤



遭刑禍死於無辜者神當達於所司使之還生中國永享太平之福如有素爲兇類身免刑憲雖獲善終亦出僥倖神當達於有司屏之四外善惡之報神必無私欽奉如此某等不敢有違謹於某年某月某日於城北設壇置備牲酒湯飯享祀本縣無祀鬼神等眾然幽明異境人力難爲必須神力庶得感通今特移文於神先期分遣諸將召集本縣闔境鬼靈等眾至日悉赴壇所會享一祭神當欽承

勅命鎮控壇場監察善惡無私昭報爲此合行牒移請照

仁壽縣志

卷四

禮教志

堯

驗欽依施行

祝文部頒維年月日具官某等遵承禮部劄付爲祭祀本

縣闔境無祀鬼神等眾事該欽奉

皇帝聖旨普天之下后土之上無不有人無不有鬼夫人鬼之道幽明雖殊其理則一故天下之廣兆民之眾必立君以主之君總其大又設分職於府州縣以各長之各府州縣又於每百戶內設一里長以綱領之上下之職綱紀不紊此治人之法如此

天子祭



天地神祇及天下山川王國各府州縣祭境內山川及祀

與神祇庶民祭其祖先及里社土穀之神上下之禮各有等第此事神之道如此尚念冥冥之中無祀鬼神昔爲生民未知何故而沒其間有遭兵刃而橫傷者有死於水火盜賊者有被人取財而逼死者有被人強奪妻妾而死者有遭刑禍而負屈死者有天災流行而瘟疫死者有爲猛獸毒蛇所害者有飢餓而凍死者有因戰鬪而殞身者有因危急而自縊者有因牆屋傾墮而壓死者有死後無子孫者此等鬼魂或終於前代或沒於仁壽縣志

卷四

禮教志

七

近世或兵戈擾攘流移於他所或人煙斷絕久缺其祭祀姓氏泯沒於一時祀典無關而不載此等孤魂死無所依精魄未散結爲陰靈或依草附木或作爲妖怪悲號於星月之下呻吟於風雨之時凡遇人間節令心思陽世魂杳杳以無歸身墮沉淪意懸懸而望祭興言及此憐其慘悽故敕天下有司依時享祭在京都有泰厲之祭在王國有國厲之祭在各府州有郡厲之祭在各縣有邑厲之祭在一里又各有鄉厲之祭期於神依人而血食人敬神而知禮仍命本處城隍以主此祭欽奉



如此今某等不敢有違謹設壇於城北以三月清明日  
七月十五日十月初一日置備牲醴羹飯專祭本縣合  
境無祀鬼神等眾靈其不昧永享此祭凡我一鄉境內  
人民倘有忤逆不孝不敬六親者有姦盜詐僞不畏公  
法者有拘曲作直欺壓善良者有躲避差徭磕損貧戶  
者似此頑惡姦邪不良之徒神必報於城隍發覺其事  
使遭官府輕則笞決杖斷不得號爲良民重則流徒絞  
斬不得生還鄉里若事未發露必遭陰譴使舉家并染  
瘟疫六畜田蠶不利如有孝順父母和睦親族畏懼官  
仁壽縣志

卷四

禮教志

三

府遵守禮法不作非爲良善正直之人神必達於城隍  
陰加護佑使其家道安和農事順遂父母妻子保定鄉  
里我等合縣官吏如有上欺朝廷下罔良善貪財作弊  
蠹政害民者靈必無私一體昭報如此則鬼神有鑒察  
之明官府非諂諛之祭尙饗

祭

乾隆七年奉

旨頒行雩祭禮

常雩孟夏擇日於風雲雷雨壇致祭陳設祝版一香盤



一壇正中第一位風雲雷雨神位前帛四色白爵十二餘  
器數羊豕如春秋祭壇左第二位社神位前帛一色黑爵  
三餘器數羊豕同壇右第三位稷神位前帛一色黑爵三  
餘器數羊豕同壇次左第四位山川神位前帛二色白爵  
六餘器數羊豕同壇次右第五位先農神位前帛一色青  
爵三餘器數羊豕同設拜位於門內設尊坫於壇南陛  
之東五尊同坫加勺冪先一日鋪前陳設官恭詣社稷  
先農二壇迎各神牌至壇安設祭之日五鼓主祭官陪  
祭官各朝服從事祭儀同春秋祭

仁壽縣志

卷四

禮教志

三

祝文部頌維年月日具官某謹以牲帛醴齊粢盛庶品之  
儀致祭於風雲雷雨社稷山川先農之神惟

神恭膺

簡命撫育羣黎仰體

彤廷保赤之誠勤農勸稼俯維蔀屋資生之本力穡服田  
令甲爰頒肅舉祈年之典惟寅將事用申守土之忱黍  
稷惟馨尙冀明昭之受賜來牟率育庶俾豐裕於蓋藏  
尙饗

旱雩前一日地方官出示禁屠宰祈禱各官於本署致



齋如齋儀日晡後地方官就風雲雷雨壇修除內外行  
覺壇禮具吉服上香行一跪三叩首禮雩之日設拜位  
於門內不設尊坫設盥洗位於壇西南盥匱架加巾脫  
壇正中近北設祝版位風雲雷雨神位壇東山川神位  
壇西共一筵設明水三尊酒三爵粉養五器果核五釘  
以上諸器皆用瓷  
羊一豕一祝案一鐙二鑪一柏香一槃鐵燎  
爐一設於筵側焚祝文用五鼓遣官以酒果告於附近泉源之神  
行一跪三叩禮以瓦尊酌泉水迎至壇所質明祈官徹  
儀從率其屬素服詣壇門外序坐候迎水官至引贊生

仁壽縣志

卷四

禮教志

三

引祈官率各官魚貫入壇門內跪迎迎水官捧水由南  
陛上奉安神位前訖由東陛急趨下引贊生引祈官率

各官就拜位旁立

通贊生

執事者各執其事

助獻生就位如儀

唱祈官就位

俟立定

各官皆就位

俟各立定

唱上香

引贊前

贊詣盥洗所濯水進巾

贊

詣風雲雷雨山川神位前

引

官自東陛升上

香三炷

贊跪

各官皆跪

贊讀祝

讀祝者舉祝版旁跪讀畢焚之

贊叩首

贊復位

引祈官自南

三跪九叩首

唱

興禮畢遣

官分處龍王東嶽城隍各廟行香致禱次日清晨祈官  
率各官至壇行香三跪九叩首禮遣官分禱如前如是



七日內雨澍報謝各官具吉服儀從全設祭品禮儀準祈禱如七日不雨再祈社稷壇禁屠宰設祭器皆如前儀七日雨澍報謝如不雨仍祈風雲雷雨壇如初雨澍報謝祝文取切情事酌撰無定式

春秋繁露春旱求雨合縣邑以水日令民禱社家祀戶無伐名木無斬山林暴巫聚蛇入日於邑東門之外爲四通之壇方八尺植蒼繪八其神共工祭之以生魚八玄酒具清酒膊脯擇巫之清潔辯言利辭者以祝祝齋三日服蒼衣先再拜乃跪陳陳已復再拜

仁壽縣志

卷四

禮教志

畜

乃起祝曰昊天五穀以養人今五穀病旱恐不成敬起敬清酒膊脯再拜請雨雨幸大澍奉牲禱以甲乙日爲大蒼龍一長八丈居中央爲小龍七各長四丈於東方皆東向其間相去八尺小童八人皆齋三日服青衣而舞之田嗇夫亦齋三日服青衣而立之諸里社通之於閭外之溝取五蝦蟇錯置秘中池方八尺深二尺置水蝦蟇焉具清酒膊脯祝齋三日取蒼衣拜跪陳祝如初取三歲雄雞三歲猪皆燔之於四通神宇令闔邑里南門置水其外開北門其蝦猪一



置之於里北門之外市者亦置一豨猪聞鼓聲皆燒猪尾取死人骨埋之開山淵積薪而燔之決通道橋之壅塞不行者決瀆之幸而得雨以猪一酒鹽黍財足以茅爲席毋斷夏求雨令邑以水日家人祝竈無舉土功更大浚井暴金於壇曰杵於術七日爲四通之壇於邑南門外方七尺植赤繒七其神蚩尤祭之以赤雄雞七立酒具清酒膊脯祝齋三日服赤衣拜跪陳祝如春辭以丙丁日爲大赤龍一長七丈居中央又爲小龍六長各三丈五尺於南方皆南鄉其間

相去七尺壯者七人皆齋三日服赤衣而舞之司空嗇夫亦齋三日服赤衣而立之鑿而通之間外之溝取五蝦蟆錯置里社之中池方七尺深一尺酒膊祝齋衣赤衣拜跪陳祝如初取三歲雄雞豨猪燔之四通神宇開陰閉陽如春季夏禱山陵亦以助之令縣邑壹徙市於邑南門之外五日禁男子無得行入市家人祠中霤無興土功聚巫市傷爲之結爲益四通之壇於中央植黃繒其神后稷祭之以五立酒具清酒膊脯令名爲祝齋三日衣黃皆如春祠以戊巳日



爲大黃龍一長五丈居中央又爲小龍五各長二丈  
五尺於南方皆南鄉其間相去五尺丈夫五人齋三  
日服黃衣而舞之五人亦齋三日衣黃衣而立之亦  
通社中於閭外溝取蝦蟇池方五尺深一尺他皆如  
前神農求雨第十九日戊巳不雨命爲黃龍又爲大  
龍社者舞之季立之又曰東方小僮舞之南方牲者  
西方沾未詳人北方□人舞之秋暴巫至九日無舉火  
事煎金器家人祠門爲四通之壇於邑西門之外九  
尺植白繒九其神太昊祭之相木魚九立酒具清酒  
亦齋三日衣白衣而立之蝦蟇池方九尺深一尺  
他皆如前冬儻龍六日禱於名山以助之家人祠井  
無壅水爲四通壇於邑北門之外方六尺植黑繒六  
其神立冥祭之以黑狗子六立酒具清酒膊脯祝齋  
三日衣黑衣祝禮如春以壬癸日爲大黑龍一長六  
丈居中央爲小龍五各長三丈於北方皆北鄉其間



相去六尺老者六人皆齋三日衣黑衣而舞之尉亦齋三日服黑衣而立之蝦蟆池如春四時皆以水爲龍必取潔土爲之結蓋龍成而發之四時皆以庚子之時令吏民夫婦皆偶處凡求雨之大體丈夫欲藏匿女子欲和而樂神書又曰開神山神淵積薪夜擊譟而燔之爲其卑也 吏治懸鏡徐文弼說董相傳箕子洪範五行之學春秋繁露七十四章係求雨法歲戊午關中秋旱制台查公撫台張公取其法禱於西郊雨立沛今夏復旱如其法行之雨亦立沛雩祭

載於春秋詳於周禮古先聖人豈將以是勤民之事而聽於杳冥不可知之數哉深識天人之理具其儀凡以通上下之交蓋下降上濟神功亦於是在亢陽違和雨澤愆期下上之交必有阻隔之者惟人體誠敬之性足以通之天人響應亦其理故然也 經世文編王槩雩說古憂旱莫如雲漢詩八章呼號迫切別無他語惟有所禱左傳龍見而雩孟夏初旬卽有雩祭秦漢以後大旱乃一舉行天子降服詣南郊七事自責七日乃祈岳瀆及諸山川之神能興雲雨者



又七日祈社稷及古百辟卿士有益於人者又七日祈宗廟及古帝王有神祠者又七日祀五天帝及五人帝各依其方詩云不殄禋祀自郊徂宮上下奠瘞靡神不宗又七日不雨乃徧祈社稷山林川澤之神聚一處命舞童六十四人衣元衣爲八列執羽翮舞每歌雲漢一章七日復如其初郡縣有司雩祭亦然但舞用六率僚屬及鄉先生諸生拜跪壇下七日不雨索取境內祠廟大小遠近諸神一壇祀之詩靡神不舉靡愛斯牲周禮國有凶荒則索鬼神而祭之雨



旱三年于公至一祭其墓而雨此理冤獄之驗桑宏羊與酷權鹽鐵之利而天下旱卜式曰宏羊爲天子大臣至與小人爭利烹宏羊天乃雨此輕徭賦之驗周暢爲河陽尹時久旱暢因收葬城外客死齒幣萬餘人而澍雨立降此恤鰥寡之驗光武時汝南大旱大守鮑昱躬自往問高獲獲白以急罷三部督郵昱從之果得大雨此進賢良之驗後漢和帝時旱幸洛陽寺錄囚知其冤滯因收洛陽令抵司隸罪左降河南尹未及還宮而大雨此黜奸邪之驗董仲舒在江

仁壽縣志

卷四

禮教志

堯

都苦旱問吏家在百里外者行書告縣遣妻視夫而雨此會合男女之驗東哲戴封諒輔之徒皆以守令祈雨暴身於廷至欲舉火自焚而大雨立降此勞身爲民之驗今牧民者撫躬自責於此七事何有何無天人冥默之間豈無有感而遂通者乎則雩祭爲祈雨之文而七事爲祈雨之實矣

凡若注人事變於下則天道應於上

是以求雨不如自責吏治懸鏡允陽違和雨澤愆期下上之交必有阻隔之者惟人體誠敬之性足以通之天人響應其理固然然氣數勝理亦無權董仲舒春秋繁露求雨專主鼓動地氣上升如夏月地氣在南他不可政地陰氣天陽氣地氣不升則天氣不降兩氣不交則不雨矣甚乃天陽愈亢地陰愈埋是以



大旱董相深明天地消息其神其方其色其數其物  
儀等春夏長夏秋冬不同皆因時乎專政多方聚氣  
蒸動上交乎天行之一七二七  
三七無不大雨此又氣數求勝

經世文編韓夢周  
祈雨文嗚呼入夏以來雨澤告愆夢周再禱於城隍  
之神以誠之不至而神不我德萬姓恟懼祈祝皇皇  
靡神不舉夢周身爲長吏惟民是司其憂其樂長吏  
以之其死其生長吏視之夙夜徬徨莫識所爲伏惟  
尊神忠義冠今古英靈鎮寔區自我

大清受命隆禮寵嘉其必將圖厥報伏惟一區之民皆  
皇上赤子一命之士皆爲

仁壽縣志

卷四

禮教志

平

天子牧民况於尊神覆庇蒼黎靡有涯量夢周不揣猥陋  
且願爲民請命敢以十事誓於神惟神罰其吏而哀  
其民夢周死且不朽其一有若貪黷貨利浚民之生  
願罰算十年其一有若殘忍酷刑以戕民願罰算十  
年其一有若受請託枉是非願罰算五年其一有若  
驕逸弗念民戚曠厥官事願罰算五年其一有若法  
弗及惡以莠賊良良者弗式願罰算三年其一有若  
置民依農桑弗興願罰算三年其一有若學校不舉  
教士不以誠願罰算三年其一有若諂上以利與色



思固寵位願罰算三年其一有若厥鰥寡漠不在抱  
為心之喪願罰算三年其一有若縱吏胥假官之威  
用毒虐於士民願罰算三年凡此十事長吏有一于  
身寔為惡德愆伏之由惟神殛之累事而加奪其算  
數用赴告於皇天后土其疾既去其民將蘇及時大  
霈霖澤俾萬彙昭回民生康賴則神之恩德世世答  
貺其無斁尚饗  
凡若禱雨文嗚呼昊天不弔曾無  
膏澤之思下土其忙共有雲霓之  
望正分秧之孔亟方尺澤以何遲田無一勺之多都  
成龜坼堰罕半泓之剩何止魚枯其陰不雷有雲皆  
火何日三而霖作安排一犁竟四月以村間惆悵百  
播幾年小亂方脫諸虎口之餘兩度大荒或猶有狼

仁壽縣志

卷四

禮教志

全

心之輩時咸豐末同治初稷思飢而未了湯憂旱其  
方逢慘怛呼天禱祈滿地惟蚩尤之神當令時夏月  
定早魃之虐如仇禱諸風雲雷雨之靈助彼川澤山  
林之蔭當年太歲本縣龍神慈念胥同威光有赫痛  
民事之不緩悲天心之最仁更諸廟之神祇原一方  
之保障當茲太甚甯不奈何伏惟代叩穹蒼大普滂  
沱之降不必別區疆理都欣優渥之霑立澍則傾倒  
天瓢遑憂薰之憚暑祈甘而擊停農鼓正戴澤以如  
春聽雲漢之歌吁吁忍其雨而果出鑿犧牛之設濟  
濟庶曰暘之愆無勿拘日十之期即作雪三之瑞服  
田猶及破塊何妨忙海龍以嘘雲速月兔而離畢泥  
還滑滑澤被深深補彼膏流侔乎酥潤某等一心無  
狀百口有懷敢致敬以輸誠容加修而悔罪天人此  
氣響應如神嗚呼陽亢可回自責無逾七事陰埋不  
作相扶竊維五行只冀垂憐不勝上叩謹祝告泉  
源文竊維盈盈之水一泓亦為水母汪汪之波千頃  
皆有波臣鑒於止而不流空心潭影歌則清而何濁  
濯足滄浪三日為霖問源頭於活水七年等旱那山



頂之飛泉大澤不春頭無綠鴈亢陽且夏尾有鱖魚何暗水之流徑花思神淵之瀉時雨伏惟泉源之神流爲湧月下不睡龍異蒙泉井養之觀有兌澤坎盈之意漫膏流之不溥川亦出雲如柴望之有靈沱還致雨現在陵陽之野適來旱魃之災蟻亦穴封空望有滂沱之下魚有轍涸孰活而升斗之須仗汝河伯之威憐乎田家之苦將注茲而挹彼潤乎九里而遙或積少以成多由此一杯之水究源泉之有本庶靈雨之既零諒潤礎之無涯斯灌田之在野入甕則龍宮一滴雷部皆歡登壇而雩典初行雨師倍奮黃河之來天上楊柳之洒人間借此天一之生耘其耦千之舊胎乎既渥救此如焚嗚呼水利匪微不盡恩波之逮土膏其動只惟法雨之施共此禱求何如鑿格謹告 計旱魃詩嗚呼龍嘘雲起鳩喚雨忙汝則爲虐在此一方昔我稻田灌溉爲常自春而夏布穀分秧今胡大旱不雨其暘正無一勺如暎堪傷亦霖有作亦愆不陽汝則太甚恩波甯揚告於明神雩壇馨香神曰噫嘻乃敢猖狂我農何辜我田焉臧誓汝三

仁壽縣志

卷四

禮教志

全

日逃之大荒七日不雨誅汝爲殃汝胡不反一杯酒漿我何讐汝拜倒於旁神不汝容猶此徬徨送汝何之下見龍王

祭

乾隆七年奉

旨頒行崇祭禮

祈社前一日地方官出示禁屠宰各官於本署致齋如齋儀日晡後地方官就社稷壇修除內外掃滌瘞坎設拜位於門內不設尊站設盥洗位於壇東北壇之前設席屋去壇五尺所後設屏坐正中近南設祝版位社神



位壇東稷神位壇西共一筵器數羊豕如雩儀祈之日五鼓祈官徹儀從率其屬素服詣壇北門外引贊生引入各官就拜位行禮如雩祭禮既畢瘞帛於坎退用朱繩繞壇之四隅一匝遣官分赴東嶽關帝城隍各廟行香致禱各官於本署堂側設鼓頻擊之雨霽報謝如儀祝文酌撰無定式

祭門前一日地方官禁屠宰各官於本署致齋視來水最多之處或地勢最下溼潦最盛之方於其城闔修除潔清禁人出入設神位於城闔正中內向設拜位於神

仁壽縣志

卷四

禮教志

三

位前不設尊坫設盥洗位於神位之左設祝版位於神之前陳設器數羊豕與祈社同祭之日質明祭官徹儀從率其屬素服行禮如祈社禮雨止報謝

祝文

部頌

詔命臨民職司守土惟兆人之攸賴僉藉神功冀四序之常調羣蒙福蔭必使雨暘應候爰占物阜而民安庶其寒燠咸宜共處時和而歲稔仰靈樞之默運聿集嘉祥襄元化以流形俾無災害尙饗

春秋繁露雨太多令縣邑以土日塞水瀆絕道蓋井



禁婦人不得行入市令縣鄉里皆掃社下縣邑若丞  
令吏嗇夫三人以上祝一人鄉嗇夫若吏三人以上  
祝一人里正父老三人以上祝一人皆齋宋本闕年  
文數行  
年之積一年不熟乃請糴失君之職也 犯始者省  
刑絕惡始也大夫盟于壇淵刺大夫之專政也諸侯  
會同賢爲主賢賢也春秋恐傷五穀趣止雨止雨之  
禮廢陰起陽書十七縣八十離鄉及都官吏千石以  
下夫婦在官者咸遣婦女子不得至市市無諸一作  
詣  
井蓋之勿令泄鼓用牲于社祝之曰雨以太多五穀

仁壽縣志

卷四

禮教志

齒

不和敬進肥牲以請社靈社靈幸爲止雨除民所苦  
無使陰滅陽陰滅陽不順於天天意幸在於利民願  
止雨敢告鼓用牲于社皆壹以辛亥之日書到卽起  
縣社令長若丞尉官長各城邑社嗇夫里吏正里人  
皆出至於社下顧西罷三日而止未至三日天星亦  
止

救護

日月

救護日月凡日月薄蝕州縣官各於本衙門中雷行禮  
佐貳教官等從之至期各官素服在川堂旁坐陰陽  
稟



初虧

禮生

稟請行禮

引

詣香案前立各官以次站立

贊上

香行三跪九叩首禮興

贊

跪各官皆跪

陰陽生

捧鼓進

承事官執桴鳴鼓三聲堂下金鼓齊鳴少頃

贊

興引暫

退

陰陽生

稟食甚

禮生

稟請行禮

引

詣香案前

贊

上香行三

跪九叩首禮

陰陽生

稟復圓

禮生

稟請各朝服行禮

引

詣香

案前鼓聲止上香行三跪九叩首禮

贊

禮畢

仁壽縣志

卷四

禮教志

全



禮教志

宣講 申明亭附

康熙十八年

聖祖仁皇帝上諭十六條敦孝弟以重人倫篤宗族以昭  
雍睦和鄉黨以息爭訟重農桑以足衣食尚節儉以惜  
財用隆學校以端士習黜異端以崇正學講法律以儆  
愚頑明禮讓以厚風俗務本業以定民志訓子弟以禁  
非為息誣告以全善良戒匿逃以免株連完錢糧以省  
催科聯保甲以弭盜賊解讐忿以重身命

仁壽縣志

卷四

禮教志

全

雍正二年

御製

聖諭廣訓十六條

敦孝弟以重人倫

我

聖祖仁皇帝臨御六十一年法

祖尊

親孝思不匱

欽定孝經衍義一書衍釋經文義理詳貫無非孝治天下



之意故

聖諭十六條首以孝弟開其端朕丕承鴻業追維

往訓推廣立教之思先申孝弟之義用是與爾兵民人等  
宣示之夫孝者天之經地之義民之行也人不知孝父  
母獨不思父母愛子之心乎方其未離懷抱饑不能自  
哺寒不能自衣爲父母者審音聲察形色笑則爲之喜  
啼則爲之憂行動則跬步不離疾痛則寢食俱廢以養  
以教至於成人復爲授家室謀生理百計經營心力俱  
瘁父母之德實同昊天罔極人子欲報親恩於萬一自

仁壽縣志

卷四

禮教志

七

當內盡其心外竭其力謹身節用以勤服勞以隆孝養  
毋博奕飲酒毋好勇鬪狠毋好貨財私妻子縱使儀文  
未備而誠慤有餘推而廣之如曾子所謂居處不莊非  
孝事君不忠非孝涖官不敬非孝朋友不信非孝戰陣  
無勇非孝皆孝子分內之事也至若父有家子稱曰家  
督弟有伯兄尊曰家長凡日用出入事無大小眾子弟  
皆當咨稟焉飲食必讓語言必順步趨必徐行坐立必  
居下凡以明弟道也夫十年以長期兄事之五年以長  
則肩隨之況同氣之人乎故不孝與不弟相因事親與



事長竝重能爲孝子然後能爲悌弟能爲孝子悌弟然後在田野爲循良之民在行間爲忠勇之士爾兵民亦知爲子當孝爲弟當悌所患習焉不察致自離於人倫之外若能痛自愧悔出於心之至誠竭其力之當盡由一念孝弟積而至於念念皆然勿尙虛文勿畧細行勿沽名而市譽勿勤始而怠終孝弟之道庶克敦矣夫不孝不弟國有常刑然顯然之跡刑所能防隱然之地法所難及設罔知愧悔自陷匪僻朕心深爲不忍故丁寧告誡庶爾兵民咸體朕意感發興起各盡子弟之職於仁壽縣志

卷四

禮教志

六

戲聖人之德本於人倫堯舜之道不外孝弟孟子曰人  
人親其親長其長而天下平爾兵民其毋視爲具文焉  
篤宗族以昭雍睦

書曰以親九族九族旣睦是帝堯首以睦族示教也禮  
曰尊祖故敬宗敬宗故收族明人道必以睦族爲重也  
夫家之有宗族猶水之有分派木之有分枝雖遠近異  
勢疎密異形要其本源則一故人之待其宗族也必如  
身之有四肢百體務使血脈相通而痾癢相關周禮本  
此意以教民著爲六行曰孝口友而繼曰睦誠古今不



易之常道也我

聖祖仁皇帝既諭爾等以敦孝弟重人倫卽繼之曰篤宗族以昭雍睦蓋宗族由人倫而推雍睦未昭卽孝弟有所未盡朕爲爾兵民詳訓之大抵宗族所以不篤者或富者多吝而無解推之德或貧者多求而生觖望之思或以貴凌賤而勢利汨其天親或以賤驕人而忿傲施於骨肉或貨財相競不念袒免之情或意見偶乖頓失宗親之義或偏聽妻孥之淺識或誤中讒慝之虛詞因而詬誶傾排無所不至非惟不知雍睦抑且忘爲宗族

仁壽縣志

卷四

禮教志

允

矣爾兵民獨不思子姓之眾皆出祖宗一人之身奈何以一人之身分爲子姓遽相視爲途人而不顧哉昔張公藝九世同居江州陳氏七百口共食凡屬一家一姓當念乃祖乃宗甯厚勿薄甯親勿疎長幼必以序相洽尊卑必以分相聯喜則相慶以結其綢繆戚則相憐以通其緩急立家廟以薦烝嘗設家塾以課子弟置義田以贍貧乏修族譜以聯疎遠卽單姓寒門或有未逮亦各隨其力所能爲以自篤其親屬誠使一姓之中秩然藹然父與父言慈子與子言孝兄與兄言友弟與弟言



恭雍睦昭而孝弟之行愈敦有司表爲仁里君子稱爲  
義門天下推爲望族豈不美哉若以小故而隳宗支以  
微嫌而虧敦睦以侮慢而違遜讓之風以偷薄而虧敦  
睦之誼古道之不存卽爲國典所不恕爾兵民其交相  
勸勵共體祖宗慈愛之心常切水木本源之念將見親  
睦之俗成於一鄉一邑雍和之氣達於溥海內外諸福  
咸臻太平有象胥在是矣可不勗歟

和鄉黨以息爭訟

古者五族爲黨五州爲鄉睦婣任恤之教由來尙矣顧

仁壽縣志

卷四

禮教志

卒

鄉黨中生齒日繁比閭相接睚眦小失狎昵微嫌一或  
不誠凌競以起遂至屈辱公庭委身法吏負者自覺無  
顏勝者人皆側目以里巷之近而舉動相猜報復相尋  
何以爲安生業長子孫之計哉

聖祖仁皇帝憫人心之好競思化理之貴溥特布訓於鄉  
黨曰和所以息爭訟於未萌也朕欲咸和萬民用是申  
告爾等以敦和之道焉詩曰民之失德乾餱以愆言不  
和之漸起於細微也易訟之象曰君子以作事謀始言  
息訟貴絕其端也是故人有親疎概接之以溫厚事無



大小皆處之以謙沖毋恃富以侮貧無挾貴以凌賤毋飾智以欺愚毋倚強以凌弱談言可以解紛施德不必望報人有不及當以情恕非意相干當以理遣此既有包容之度彼必生媿悔之心一朝能忍鄉里稱爲善良小忿不爭閭黨推其長厚鄉黨之和其益大矣古云非宅是卜惟鄰是卜緩急可恃者莫如鄉黨務使一鄉之中父老子弟聯爲一體安樂憂患視同一家農商相資工賈相讓則民與民和訓練相習汛守相助則兵與兵和兵出力以衛民民務養其力民出財以贍兵兵務恤其財則兵與民交相和由是而簞食豆羹爭端不起鼠牙雀角速訟無因豈至結怨耗財廢時失業甚且破產流離以身殉法而不悟哉若夫巨室耆年鄉黨之望膠庠髦士鄉黨之英宜以和輯之風爲一方表率而奸頑好事之徒或詭計挑唆或橫行嚇詐或貌爲治比以扇誘或假託公言而把持有一於此里閭靡甯鄉論不容國法具在爾兵民所當謹凜者也夫天下者鄉黨之積也爾等誠遵

聖祖之懿訓尙親睦之淳風孝弟因此而益敦宗族因此



而益篤里仁爲美比戶可封訟息人安延及世世協和  
遍於萬邦太和烝於宇宙朕與爾兵民永是賴焉  
重農桑以足衣食

朕聞養民之本在於衣食農桑者衣食所由出也一夫  
不耕或受之饑一女不織或受之寒古者天子親耕后  
親桑躬爲至尊不憚勤勞爲天下倡凡爲兆姓圖其本  
也夫衣食之道生於地長於時而聚於力本務所在稍  
不自力坐受其困故勤則男有餘粟女有餘帛不勤則  
仰不足事父母俯不足畜妻子其理然也彼南北地土

仁壽縣志

卷四

禮教志

三

雖有高下燥濕之殊然高燥者宜黍稷下濕者宜秔  
稻食之所出不同其爲農事一也樹桑養蠶除江浙四  
川湖北外餘省多不相宜然植麻種棉或績或紡衣之  
所出不同其事與樹桑一也願吾民盡力農桑勿好逸  
惡勞勿始勤終怠勿因天時偶歉而輕棄田園勿慕奇  
贏倍利而輒改故業苟能重本務雖一歲所入公私輸  
用而外羨餘無幾而日積月累以至身家饒裕子孫世  
守則利賴無窮不然而捨本逐末豈能若是之綿遠乎  
至爾兵隸在戎伍不事農桑試思月有分給之餉倉有



支放之米皆百姓輸納以散給爾等各贍身家一絲一粒莫不出自農桑爾等既享其利當彼此相安多方扞衛使農桑俱得盡力爾輩衣食永遠不匱則亦重有賴焉若地方文武官僚俱有勸課之責勿奪民食勿妨民事浮惰者懲之勤苦者勞之務使野無曠土邑無游民農無捨其耒耜婦無休其蠶織卽至山澤園圃之利雞豚狗彘之畜亦皆養之有道取之有時以佐農桑之不逮庶幾克勤本業而衣食之源溥矣所慮年穀豐登或忽於儲蓄布帛充贍或侈於費用不儉之弊與不勤等仁壽縣志

卷四

禮教志

三

甚且貴金玉而忽菽粟工文繡而廢蠶桑相率爲紛華靡麗之習尤爾兵民所當深戒者也自古盛王之世老者衣帛食肉黎民不饑不寒享庶富之盛而致教化之興其道胥由乎此我

聖祖仁皇帝念切民依常刊耕織圖頒行中外所以敦本阜民者甚至朕仰惟

聖諭念民事之至重廣爲詮解勸爾等力於本務余一人衣租食稅願與天下共飽煖也

尙節儉以惜財用



生人不能一日而無用卽不可一日而無財然必畱有餘之財而後可供不時之用故節儉尙焉夫財猶水也節儉猶水之蓄也水之流不蓄則一洩無餘而水立涸矣財之流不節則用之無度而財立匱矣我

聖祖仁皇帝躬行節儉爲天下先休養生息海內殷富猶兢兢以惜財用示訓蓋自古民風皆貴乎勤儉然勤而不儉則十夫之力不足供一夫之用積歲所藏不足供一日之需其害爲更甚也夫兵丁錢糧有一定之數乃不知樽節衣好鮮麗食求甘美一月費數月之糧甚至

仁壽縣志

卷四

禮教志

畜

稱貸以遂其欲子母相權日復一日債深累重饑寒不免農民當豐收之年倉箱充實本可積蓄乃酬酢往來率多浮費遂至空虛夫豐年尙至空虛荒歉必至窮困亦其勢然也似此之人國家未嘗減其一日之糧天地未嘗不與以自然之利究至啼饑號寒困苦無告者皆不節儉所至更或祖宗勤苦儉約日積月累以致充裕子孫承其遺業不知物力艱難任意奢侈誇耀里黨稍不如人卽以爲恥曾不轉盼遺產立盡無以自存求如貧者之子孫並不可得於是寡廉鮮恥靡所不至弱者



餓殍溝壑強者作慝犯刑不儉之害一至於此易曰不節若則嗟若蓋言始不節儉必至嗟悔也爾兵民當凜遵

聖訓繹思不忘爲兵者知月糧有定與其至不足而冀格外之賞孰若畱有餘以待可繼之糧爲民者知豐歉無常與其但顧朝夕致貧窶之可憂孰若畱貯將來爲水旱之有備大抵儉爲美德甯以固陋貽譏禮貴得中勿以驕盈致敗衣服不可過華飲食不可無節冠婚喪祭各安本分房屋器具務取素樸卽歲時伏臘斗酒娛賓仁壽縣志

卷四

禮教志

七

從俗從宜歸於約省爲天地惜物力爲朝廷惜恩膏爲祖宗惜往日之勤勞爲子孫惜後來之福澤自此富者不至於貧貧者可至於富安居樂業含哺鼓腹以副朕阜俗誠民之至意孝經有曰謹身節用以養父母此庶人之孝也爾兵民其身體而力行之

隆學校以端士習

古者家有塾黨有庠州有序國有學固無人不在所教之中專其督率之地董以師儒之官所以成人材而厚風俗合秀頑強懦使之歸於一致也我



聖祖仁皇帝壽考作人特隆學校凡所以養士之恩教士之法無不備至蓋以工爲四民之首人之所以待士者重則士之所以自待者益不可輕士習端而後鄉黨視爲儀型風俗由之表率務令以孝弟爲本材能爲未器識爲先文藝爲後所讀者皆正書所交者皆正士確然於禮義之可守惕然於廉恥之當存唯恐立身一敗致玷宮牆唯恐名譽雖成負慙衾影如是斯可以爲士否或躁競功利干犯名教習乎異端曲學而不知大道騫乎放言高論而不事躬行問其名則是考其實則非矣

仁壽縣志

卷四

禮教志

矣

昔胡瑗爲教授學者濟濟有成文翁治蜀中子弟由是大化故廣文一官朕特飭吏部悉以孝廉明經補用凡以爲興賢育才化民成俗計也然學校之隆固在司教者有整齊嚴肅之規尤在爲士者有愛惜身名之意士品果端而後發爲文章非空虛之論見之施爲非浮薄之行在野不媿名儒者在國卽爲良臣所係顧不重哉至於爾兵民恐不知學校之爲重且以爲與爾等無與不思身雖不列於庠序性豈自外於倫常孟子曰謹庠序之教申之以孝弟之義又曰人倫明於上小民親於



下則學校不獨所以教士兼所以教民若黌宮之中文  
武竝列雖經義韜畧所習者不同而入孝出弟人人所  
當共由也士農不異業力田者悉能敦本務實則農亦  
士也兵民無異學卽戎者皆知敬長愛親則兵亦士也  
然則庠序者非爾兵民所當隆重者乎端人正士者非  
爾兵民所當則效者乎孰不有君臣父子之倫孰不有  
仁義禮智之性勿謂學校之設止以爲士各宜以善相  
勸以過相規向風慕義勉爲良善則氓之蚩蚩亦可以  
禮義爲耕耘赳赳武夫亦可以詩書爲甲冑一道同風  
之盛將復見於今日矣

仁壽縣志

卷四

禮教志

七

黜異端以崇正學

朕惟欲厚風俗先正人心欲正人心先端學術夫人受  
天地之中以生惟此倫常日用之道爲智愚之所共由  
索隱行怪聖賢不取易言蒙以養正聖功以之書言無  
偏無頗無反無側王道以之聖功王道悉本正學至於  
非聖之書不經之典驚世駭俗紛紛藉藉起而爲民物  
之蠹者皆爲異端所宜屏絕凡爾兵民愿謹淳朴者固  
多間或迷於他岐以無知而罹罪戾朕甚憫之自古三



教流傳儒宗而外厥有仙釋朱子曰釋氏之教都不管  
天地四方只是理會一箇心老氏之教只是要存得一  
箇神氣此朱子持平之言可知釋道之本旨矣自游食  
無籍之輩陰竊其名以壞其術大率假災祥禍福之事  
以售其誕幻無稽之談始則誘取貲財以圖肥已漸至  
男女混淆聚處爲燒香之會農工廢業相逢多語怪之  
人又其甚者奸回邪慝竄伏其中樹黨結盟夜聚曉散  
千名犯義惑世誣民及一旦發覺徵捕株連身陷囹圄  
累及妻子教主已爲罪魁福緣且爲禍本如白蓮聞香

仁壽縣志

卷四

禮教志

矣

等教皆前車之鑒也又如西洋教宗天主亦屬不經因  
其人通曉歷數故國家用之爾等不可不知也夫左道  
惑眾律所不宥師巫邪術邦有常刑朝廷立法之意無  
非禁民爲非導民爲善黜邪崇正去危就安爾兵民以  
父母之身生太平無事之日衣食有賴俯仰無憂而顧  
昧恆性而卽匪彝犯王章而干國憲不亦愚之甚哉我  
聖祖仁皇帝漸民以仁摩民以義藝極陳常煌煌大訓所  
以爲世道人心計者至深遠矣爾兵民等宜仰體

聖心禮遵



聖教擯斥異端直如盜賊水火且水火盜賊害止及身異端之害害及人心心之本體有正無邪苟有主持自然不惑將見品行端方諸邪不能勝正家庭和順遇難可以成祥事親孝事君忠盡人事者即足以集天休不求非分不作非爲敦本業者即可以迓神慶爾服爾耕爾講爾武安布帛菽粟之常遵蕩平正直之化則異端不待驅而自息矣

講法律以儆愚頑

法律者帝王不得已而用之也法有深意律本人情明

仁壽縣志

卷四

禮教志

七

其意達其情則囹圄可空訟獄可息故懲創於已然不若警惕於未然之爲得也周禮州長黨正族師皆於月吉屬其民而讀法大司寇懸象刑之法於象魏使萬民觀之知所向方今國家酌定律例委曲詳明昭示兵民俾各凜成憲遠於罪戾意甚厚也

聖祖仁皇帝深仁厚澤洽於兆民而於刑罰尤惓惓致意朕臨御以來體好生之德施欽恤之恩屢頒赦款詳審爰書庶幾大化翔洽刑期無刑又念爾爲民者生長草野習於顓蒙爲兵者身隸戎行易逞強悍每至誤觸王



章重于憲典因之特申訓誡警醒愚頑爾等幸際昇平  
休養生息均宜循分守禮以優游於化日舒長之世平  
居將頒行法律條分縷析講明意義見法知懼觀律懷  
刑如知不孝不弟之律自不敢爲蔑倫亂紀之行知鬪  
毆攘奪之律自不敢逞囂凌強暴之氣知奸淫盜竊之  
律自有以遏其邪僻之心知越訴誣告之律自有以革  
其健訟之習蓋法律千條萬緒不過準情度理天理人  
情心所同具心存於情理之中身必不陷於法律之內  
且爾兵民性縱愚頑或不能通曉理義未必不愛惜身  
仁壽縣志

卷四

禮教志

一百

家試思一蹈法網百苦備嘗與其宛轉呼號思避罪於  
箠楚之下何如洗心滌慮早悔過於清夜之間與其傾  
貲蕩產求減毫末而國法究不能逃何如改惡遷善不  
犯科條而身家可以長保倘不自警省偶罹於法上辱  
父母下累妻孥鄉黨不我容宗族不我齒卽或邀恩倖  
免而身敗行虧已不足比於人數追悔前非豈不晚哉  
朕聞居家之道爲善最樂保身之策安分爲先勿以惡  
小可爲有一惡卽有一法以相治勿以罪輕可玩有一  
罪卽有一律以相懲惟時時以三尺自凜人人以五行



相規懼法自不犯法畏刑自可免刑匪僻潛消爭競不作愚者盡化爲智頑者悉變爲良民樂田疇兵安營伍用臻刑措之治不難矣

明禮義以厚風俗

漢儒有曰凡民函五常之性而其剛柔緩急音聲不同繫水土之風氣故謂之風好惡取舍動靜無恆隨厥情欲故謂之俗其間滄澆厚薄難以強同奢儉質文不能一致是以聖人制爲禮以齊之孔子曰安上治民莫善於禮蓋禮爲天地之經萬物之序其體至大其用至廣

仁壽縣志

卷四

禮教志

三

道德仁義非禮不成尊卑貴賤非禮不定冠婚喪祭非禮不備郊廟燕饗非禮不行是知禮也者風俗之原也然禮之用貴於和而禮之實存乎讓子曰能以禮讓爲國乎何有又曰先之以敬讓而民不爭使徒習乎繁文縟節而無實意以將之則所謂禮者適足以長其浮僞滋其文飾矣夫禮之節文爾兵民或未盡習禮之實意爾兵民皆所自具卽如事父母則當孝養事長上則當恭順夫婦之有倡隨兄弟之有友愛朋友之有信義親疎之有款洽此卽爾心自有之禮讓不待外求而得者



也誠能和以處眾卑以自牧在家庭而父子兄弟底於  
肅雍在鄉黨而長幼老弱歸於親睦毋犯囂凌之戒毋  
蹈縱恣之愆毋肆一念之貪遂成攘奪毋逞一時之忿  
致啓紛爭毋因貧富異形有蔑視之意毋見強弱異勢  
起迫脅之心各戒澆漓共歸長厚則循於禮者無悖行  
敦於讓者無競心藹然有恩秩然有義黨庠術序相率  
爲俊良農工商賈不失爲醇樸卽韜鈴介冑之士亦被  
服乎禮樂詩書以潛消其剽悍桀驁豈非太和之氣大  
順之徵乎書曰謙受益滿招損古語又曰終身讓路不  
仁壽縣志

卷四

禮教志

五

枉百步終身讓畔不失一段可知禮讓之有得而無失  
也如此朕願爾兵民等聆

聖祖之訓而返求之於一身爾能和其心以待人則不和  
者自化爾能平其情以接物則不平者亦孚一人倡之  
眾人從之一家行之一里效之由近以及於遠由勉以  
至於安漸仁摩義俗厚風淳庶不負諄諄誥誥誠之意哉  
務本業以定民志

朕惟上天生民必各付一業使爲立身之本故人之生  
雖智愚不同強弱異等莫不擇一業以自處居此業者



皆有本分當爲之事藉以有利於身藉以有用於世幼而習焉長而安焉不見異物而遷焉此孟子之所謂恆產卽

聖祖仁皇帝之所謂本業也維茲本業實爲先務凡爲士農爲工商以及軍伍業雖不同而務所當務則同也夫身之所習爲業心之所向爲志所習旣專則所向自定書曰功崇惟志業廣惟勤蓋業與志本相須而成也但恐日久而生厭舍舊而圖新或爲浮言所動或因際遇未通一念游移半途而廢作非分之營求生意外之妄

仁壽縣志

卷四

禮教志

三

想究之朝夕營營不恆其德資生寡策歷久無成而志遂以荒而業遂以廢矣夫業每荒於嬉而必精於勤志貴奮於始而尤勵於終朕樂觀爾之成不忍見爾之廢也爲士者謹身修行矻矻窮年服習詩書敦崇禮讓退爲有本之學進爲有用之才爲農者春耕秋斂不失其時樽節愛養不愆於度先事以備水旱如期而輸稅糧使地無餘利人無餘力工則審四時飭六材日省而月試居肆而事成商則通有無權貴賤交易而退各得其所務體公平勿蹈欺詐若夫身列行陣行陣卽其業也



弓馬騎射操練之必精步伐止齊演習之必熟屯田則事墾闢守汎則嚴刁斗備邊則險要之宜知防海則風濤之宜悉庶幾無負本業矣夫天下無易成之業而亦無不可成之業各守乃業則業無不成各安其志則志無旁騖毋相侵擾毋敢怠荒甯習於勤劬勿貪夫逸樂甯安於樸守勿事乎紛華熙熙然士食舊德農服先疇工利器用商通貨財兵資捍衛各盡乃職各世其業上以繼祖宗之傳下以綿子孫之緒富庶豐亨游於光天化日之下以仰答

仁壽縣志

卷四

禮教志

一

聖祖誥誠之殷懷以克副朕休養之至意願不共享其福歟

訓子弟以禁非爲

從來教萬民訓子弟黨正族師月吉讀法歲時校比師田行役則合卒伍而簡兵器朝夕誥誠人知自愛不敢偶蹈於非休哉何風之隆歟我

聖祖仁皇帝臨御六十一年弘保赤之仁廣教家之治深恩厚澤休養生息以至於今朕纘承大統仰體

聖祖子惠元元之心無日不以爾百姓爲念尤無日不以



爾百姓之子弟爲念也人生十年曰幼學二十曰弱冠  
血氣未定知識漸開訓導懲戒之方莫切於此大凡子  
弟之率不謹皆由父兄之教不先所恃爲父兄者啓其  
德性遏其邪心廣其器識謹其嗜好至於愛親敬長之  
念人所固有爾父兄誠能明示其訓俾知父子有親君  
臣有義夫婦有別長幼有序朋友有信以端其本則大  
倫明而干紀犯分之咎自鮮矣夫士農工商各有專業  
軍士之家世習技勇其人之淑慝邪正必自爲子弟之  
日始語云少成若天性習慣成自然民間非爲之事漸  
仁壽縣志

卷四

禮教志

三



厥躬鄉黨咸稱爲良愿一家之休祥孰大於是况今日  
之子弟又爲將來之父兄積善相承誨迪不倦將見戶  
興禮讓人敦孝義自通都大邑以至窮鄉僻壤太平之  
象與國俱長庶不虛朕殷殷期勛之至意也夫好善則  
閭閻子弟可致尊榮苟不善則公卿子弟流爲卑賤義  
方之教切磋之功可不豫嚴於蒙穉之年乎爾兵民其  
敬聽之毋忽

息誣告以全善良

國家之立法所以懲不善而儆無良豈反爲奸民開誣

仁壽縣志

卷四

禮教志

真

告之路而令善良受傾陷之害哉夫人必有切膚之冤  
非可以理遣情恕者於是鳴於官以求申理此告之所  
由來也乃有奸宄不法之徒好事舞文陰謀肆毒或捏  
虛以成實或借徑以生波或設計以報宿嫌或移禍以  
卸已罪顛倒是非混淆曲直往往飾沈寃負痛之詞逞  
射影捕風之術更有教唆詞訟者以刀筆爲生涯視獄  
訟爲兒戲深文以冀其巧中構釁而圖其重酬鄉里畏  
之名曰訟師因而朋比協謀黨惡互證有司或一時受  
蔽致使善良之輩不能自白桁楊在前箠楚在後鍛鍊



之下何求不得縱至事明冤雪而拖累困苦小則廢時失業大則蕩產破家善良之被誣可憫而兇頑之誣善良尤可痛恨也

聖祖仁皇帝矜恤下民重懲其弊

頒示訓諭有曰息誣告以全善良夫誣告有反坐之條令甲煌煌乃敢作奸犯科而不畏者利欲薰心詭薄成性方且恣其含沙之毒僥倖於法網之寬殊不知無情之辭一經審察莫可逃避造孽以傾人究之布阱以自陷亦何利之有嘗聞古人或認牛而不辨或奪禾而不爭仁壽縣志

卷四

禮教志

五

卒開愧悔之誠翻成禮讓之美若斯之風誠可嘉尙爾兵民所當景效焉且尋繹

聖諭不曰禁而曰息謂與其治之以法不如感之使自化也蓋官吏之見聞或疎疎則猶煩揣測鄉鄰之耳目最近近則素所稔知爲之抉其根株窮其黨類出於無心者緩語以曉之成以有意者危言以誡之彼善良之家素行足以質之里閭而無愧而誣告之人言辭旣非情實迫於公論則不敢誣揆諸本心亦不忍誣凡前此之陰謀秘計一旦悚然改悔如冰消霧釋兵不誣兵而兵



之善良者全民不誣民而民之善良者全兵民不相爲  
誣而兵民舉全不至赴官終訟兩造俱傷庶幾從風慕  
義胥天下而歸於無訟豈不休哉尙其咸喻而凜遵焉  
誠逃匿以免株連

朕撫臨億兆合四海爲一家聯萬姓爲一體中外旗民  
本無異視第以國初定制入旗人員在內則拱衛京師  
在外則駐防各省如有不奉使令潛往他鄉者卽爲逃  
人例有嚴禁逃人所至之地兵民人等不行覺察擅自  
容留者罪竝及之按匿逃情弊大約不外兩端凡在逃

仁壽縣志

卷四

禮教志

頁

之人意氣言詞必多巧飾爾等或受其欺罔不辨爲逃  
人而率意容留者有之或利其財明知爲逃人而通行  
隱匿者有之夫主僕之間乃大義所在逃人背主蔑義  
窩逃者黨不義而藐王章逃者恃匿者以爲之藪也法  
安得恕故順治五年之例窩逃者問擬大辟竝籍其家  
鄰佑十家等皆徙邊遠康熙十五年定例凡窩逃之正  
犯流徙尙陽堡兩鄰十家長罪止杖徒此皆我

聖祖皇帝矜惜愚民罪疑惟輕故改從寬典也又屢年恩  
詔將逃人事件概行赦免國家施法外之仁寬督捕之



罰無非欲爾兵民革薄從忠遷善改過使蓬門草戶出入優游共享太平無事之福爾兵民等其仰體

聖祖誥誠之慈懷與朕諄諭之至意謹身率教循理奉公不交游手無籍之徒不爲行險僥倖之事毋徇私情而干國憲勿貪微利而忘身家如此則井里晏然四鄰安堵胥吏不擾鷄犬無驚而國家刑期無刑之化亦可以觀厥成矣倘因法網既寬復蹈故轍營私受賄藏惡養奸則自取其辜何能曲宥况夫逃竄之人性既冥頑又無生理所行種種不端大而盜賊小而賭博一經發覺

仁壽縣志

卷四

禮教志

竟

皆犯科條容畱之家又安能脫然事外不罹罪譴耶周易曰比之匪人不亦傷乎晏子曰君子居必擇鄰所以避患也可知奸猾浮蕩之流皆足爲善良之累朕願爾等父誠其子誠其弟隊長誠其行伍鄉約誠其比閭祇奉訓誥各遠非義則地方甯謐俗厚風淳又何患株連之偶及哉

完錢糧以省催科

自昔畫野分州任土作貢而賦稅以興凡國之五禮百度輸用出入皆賴焉此君所必需於民下所宜供於上



古今通義未之或改且以制官祿所以治我民以給兵  
餉所以衛我民以備荒歉所以養我民取諸天下還爲  
天下用之人主之倉廩府庫豈厲民而以自養耶我朝  
自定鼎以來賦額悉準經制且橫征私派一切革除未  
嘗絲毫多取於民

聖祖仁皇帝深仁厚澤參養斯民六十餘年時以閭閻豐  
裕爲念所蠲免錢糧何止百十萬億遐邇之霑被固已  
淪肌浹髓矣夫緩征薄斂加惠元元君之德也以下奉  
上先公後私民之職也屬在兵民宜喻此意勿惰而嬉

仁壽縣志

卷四

禮教志

三

荒其本業勿奢而費耗其貲財勿逡巡觀望冀邀賜復  
之殊恩勿轉委輸將致被豪猾之中飽依限而納毋待  
追呼然後以其所餘養父兄畢婚嫁給朝夕供伏臘縣  
庭有臥治之官村巷無夜呼之吏俯仰無累妻孥晏然  
其爲安樂莫踰於此倘不知國課之當重國法之難寬  
或有意抗違或任情遲緩有司迫奏銷之限不得不嚴  
追比胥役受鞭撻之苦不得不肆誅求剝啄叩門多方  
需索無名之費或反浮於應納之數而究竟所未完者  
仍不能爲爾寬貸不知何樂而爲此夫供胥役之侵漁



曷若輸朝廷之正供爲抗糧之頑戶曷若爲守法之良民人雖至愚亦必知之况乎上好仁而下好義情屬一體爾試思廟堂之上所日夜憂勞者在於民事水溢則爲隄防旱魃則爲虔禱蝗蝻則爲撲滅幸不成災則爾享其利不幸成災則又爲之蠲租爲之賑濟如此而爲民者尙忍逋賦以誤國需問之於心亦何以自安譬人子於父母分產投業以後必服勞奉養庶盡厥職乃父母恩勤顧復不遺餘力而爲子者自私其財缺甘旨而違色養尙得謂之人子乎朕用是諄諄告誡但願爾兵

仁壽縣志

卷四

禮教志

重

民上念軍國下念身家外有効忠之名內受安享之實官不煩而吏不擾何樂如之爾兵民清夜自思其咸體朕意

聯保甲以弭盜賊

從來安民在於弭盜摘發守禦之法必當先事而爲之備故緝捕有賞疎縱有罰諱盜有禁違限有條而最善者莫如保甲十家爲甲十甲爲保甲有長保有正設立簿冊交察互警此卽井田守望之遺制所以

聖祖仁皇帝上諭曰聯保甲以弭盜賊誠欲使四海九州



閭閻安堵澄本清源

聖慮實爲周切矣第恐遵行既久遂至因循吏則徒稽戶籍民則僅置門牌而於聯比糾察之法未見實心奉行以至勾引窩藏之弊種種而生鄰舍失事竟有如秦越之相視富家被劫反指爲悖出之當然甚且假公濟私藉盤詰之虛名滋無厭之苛求汎防因而騷擾胥吏緣以生奸有保甲之名無保甲之實有保甲之累無保甲之益此盜賊之所以難弭也夫良法之有利於民在奉行之必求其實嗣後城市鄉村嚴行保甲每處各自分仁壽縣志

卷四

禮教志

五

保每保各統一甲城以坊分鄉以圖別排鄰比戶互相防閑一甲之中巨室大戶僮佃多至數百此內良否本戶自有責任若一廛一舍之散布村落者有業無業或良或否里正保正得以微窺於平素一出入得以隱察其行踪遇有不務恆業羣飲聚博鬪雞走狗夜集曉散以及履歷不明踪跡可疑者皆立爲糾舉不許暫容甲內其荒原古廟鬧肆叢祠尤易藏奸更宜加緊防察至汎地兵丁務必晝夜巡邏一體查詰毋借端生事毋挾仇陷害毋受賄賂而徇縱毋惜情面而姑容協力同



心輪流分派則盜賊無容身之地軍民享安靜之樂矣  
查昔人禦盜之法村置一樓樓設一鼓一家有失擊鼓  
爲號羣起而守其要害盜賊將安所逃所謂寓兵法於  
保甲中也若夫江海出沒之區有未可以保甲行者舟  
楫往來絡號聯踪彼此互相稽查匪類亦難藏匿皆在  
實心奉行先事而爲之備若視爲具文怠忽從事至於  
被盜者失財連坐者受累不惟負朕息盜安民之至意  
亦甚非爾等保身保家之良策也

解讐忿以重身命

仁壽縣志

卷四

禮教志

三

朕惟人道莫大於守身民之有身所以務本力田養父  
母而畜妻子兵之有身所以嫻習伎勇資扞衛以報朝  
廷身爲有用之身則皆當自愛乃生人氣質之偏不能  
變化往往血氣用事至一發而不可遏激怒崇朝竟成  
莫解互相報復兩敗俱傷其起甚微而爲害甚大不念  
爰書抵罪一定之律雖國家法網甚寬亦不能爲殺人  
者施法外之仁

聖祖仁皇帝訓諭十六條而終之以重身命誠哀矜悱惻  
之至意也夫天地以好生爲心而惻惻之倫不自顧惜



人君以愛養爲政而蚩蚩之衆每至輕生非釁起於夙昔之讐卽禍生於一朝之忿強者恃膂力之剛殺人亡命弱者希抵償之罪赴水投繯忿以成讐讐而益忿原其致此之由固非一端而兵民所易犯者尤多於縱酒蓋酒之爲物能亂人心志使失其故常或賓主酬酢始以合歡而俱入醉鄉則一言不合至操刀而相向或睚眦之怨本可冰釋及酒酣耳熱則一發難忍若不共之深仇每見刑曹命案相傷於酒後者十有五六噫置身縲絏家破人亡甚或累及妻孥禍延鄉黨而後拊心自仁壽縣志

卷四

禮教志

五

悼悔何及矣自今以往皆當敬聆

聖諭時時提醒思讐與身孰重毋追既往之讐而昧將來之患思忿與命孰輕毋快目前之忿而貽事後之悔縱人或以非禮相加似難含忍然一念夫身命攸關則從父兄訓誨聽親友調和無不可情恕理遣至酒之爲害尤宜深戒古之人旣立之監或佐之史蓋唯恐載號載呶亂籩豆而起爭端也其可沈湎荒腆致陷身於刑戮乎語有之忍之斯須乃全爾軀故解去讐忿則全生保家之道胥在於此養其和平消其亢戾不待排難解紛



而凌競之習自然息化何其風之醇也孔子曰忿思難  
孟子謂橫逆猶是此亦妄人也已矣聖賢之遺訓與

聖祖仁皇帝之明諭固千古同揆也凡爾兵民凜遵毋忽  
則閭閻相保營伍相安下以承家上以報國優游盛世  
共躋仁壽之域非解讐忿之明效歟

每月朔望日擇寬潔公所設香案屆期縣中文武官俱  
至衣蟒衣禮生唱序班行三跪九叩首禮興退班齊至  
講所軍民人等環立肅聽禮生唱恭請開講司講生詣  
香案前跪恭捧

仁壽縣志

卷四

禮教志

五

聖諭登臺木鐸老人跪宣讀畢禮生唱請宣講  
聖諭第一條司講生按至講畢而退

附 申明亭

申明亭在治前坡路旁

仁壽縣志卷四終